

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं
—

कृष्ण यजुर्वेदीय तैत्तिरीय संहिता पद पाठः
(वाक्य सहित)

सप्तमकाण्डे तृतीयः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Contents

**7 कृष्ण यजुर्वेदीय तैत्तिरीय पद पाठे संहितायां
सप्तमं काण्डं 3**

7.3 सप्तमकाण्डे तृतीयः प्रश्नः – सत्रजातनिरूपणं.....3

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

7 कृष्ण यजुर्वेदीय तैत्तिरीय पद पाठे संहितायां सप्तमं काण्डं

7.3 सप्तमकाण्डे तृतीयः प्रश्नः – सत्रजातनिरूपणं

7.3.1.1

प्रज॒वं वा॑ ए॒तेन॑ य॒न्ति यद्-द॑श॒मम॑हः पा॒पाव॑ही॒यं वा॑ ए॒तेन॑ भ॒वन्ति॑
यद्-द॑श॒मम॑ह॒र्यो वै प्र॒ज॒वं य॑ता॒मप॑थेन प्र॒तिप॑द्यते यः स्था॒णुं ह॑न्ति
यो भ्रे॒षं न्ये॑ति स ही॒यते॑ स यो वै द॑श॒मेऽह॑न्न॒विवा॑क्य उप॒हन्य॑ते स
ही॒यते॑ तस्मै॒ य उप॑ह॒ताय॑ व्या॒ह तमे॑वा॒न्वा॒रभ्य॑ सम॒श्नुते॑ऽथ

यो व्या॒ह स – [] 1

7.3.1.1 - Padam

प्र॒ज॒वमि॑ति प्र – ज॒वम् । वै । ए॒तेन॑ । य॒न्ति । यत् । द॑श॒मम् ।
अ॒हः । पा॒पाव॑ही॒यमि॑ति पा॒प – अ॒व॒ही॒यम् । वै । ए॒तेन॑ । भ॒वन्ति॑ ।

यत् । द॒श॒मम् । अ॒हः । यः । वै । प्र॒ज॒व॒मि॒ति॒ प्र – ज॒वम् । य॒ताम् ।
 अ॒प॒थे॒न । प्र॒ति॒प॒द्य॒त इति॑ प्र॒ति – प॒द्य॒ते । यः । स्था॒णुम् । ह॒न्ति ।
 यः । भ्र॑ेष॒म् । न्ये॒ती॒ति॒ नि – ए॒ति॒ । सः । ही॒य॒ते । सः । यः । वै ।
 द॒श॒मे । अ॒ह॒न् । अ॒वि॒वा॒क्य॒ इत्य॑वि – वा॒क्ये । उ॒प॒ह॒न्य॒त
 इत्यु॒प–ह॒न्य॒ते॒ । सः । ही॒य॒ते । तस्मै॑ । यः । उ॒प॒ह॒ता॒येत्यु॒प–ह॒ताय॑ ।
 व्या॒हे॒ति॒ वि – आ॒ह । तम् । ए॒व । अ॒न्वा॒र॒भ्ये॒त्यनु॑ – आ॒र॒भ्य ।
 स॒मि॒ति॒ । अ॒श्नु॒ते॒ । अथ॑ । यः । व्या॒हे॒ति॒ वि – आ॒ह । सः । 1 (50)

7.3.1.2

ही॒य॒ते तस्मा॑द्–द॒श॒मे ऽह॑न्वि॒वा॒क्य॒ उ॒प॒ह॒ताय॑ न व्यु॒च्य॒मथो
 ख॒ल्वा॒हु॒र्य॒ज्ञ॒स्य॒ वै स॒मृ॒द्धे॒न दे॒वाः सु॒व॒र्गं लो॒क॒मा॒यन् य॒ज्ञ॒स्य
 व्यृ॒द्धे॒ना॒सु॒रा॒न् प॒रा॒ऽभा॒व॒य॒न्निति॑ यत् ख॒लु वै य॒ज्ञ॒स्य स॒मृ॒द्धं तद्–
 य॒ज॒मा॒न॒स्य य॒द्व्यृ॒द्धं तद्भा॑तृ॒व्य॒स्य स यो॑ वै द॒श॒मेऽह॑न्वि॒वा॒क्य॒
 उ॒प॒ह॒न्य॒ते स ए॒वा॒ति रे॒च॒य॒ति ते ये॑ बा॒ह्या दृ॒शी॒क॒वः – [] 2

7.3.1.2 - Padam

ही॒यते॑ । तस्मा॑त् । द॒शमे॑ । अ॒हन् । अ॒वि॒वाक्य॑ इत्य॒वि – वा॒क्ये॑ ।
उ॒प॒ह॒ताये॑त्यु॒प – ह॒ताय॑ । न । व्यु॒च्यमि॑ति वि॒उ॒च्यम् । अथो॑ इति॑ ।
ख॒लु । आ॒हुः । य॒ज्ञस्य॑ । वै । स॒मृद्धे॑नेति॒ सं – ऋद्धे॑न । दे॒वाः ।
सु॒व॒र्गमि॑ति सु॒वः – ग॒म् । लो॒कम् । आ॒यन् । य॒ज्ञस्य॑ । व्यृद्धे॑नेति॒
वि – ऋद्धे॑न । अ॒सुरान् । प॒रेति॑ । अ॒भा॒व॒यन् । इति॑ । यत् । ख॒लु ।
वै । य॒ज्ञस्य॑ । स॒मृद्धमि॑ति॒ सं – ऋद्धम् । तत् । य॒ज॒मा॒नस्य॑ । यत् ।
व्यृद्धमि॑ति वि॒ऋद्धम् । तत् । भ्रातृ॑व्यस्य । सः । यः । वै । द॒शमे॑ ।
अ॒हन् । अ॒वि॒वाक्य॑ इत्य॒वि – वा॒क्ये॑ । उ॒प॒ह॒न्यत॑ इत्यु॒प – ह॒न्यते॑ ।
सः । ए॒व । अ॒तीति॑ । रे॒च॒य॒ति । ते । ये । बा॒ह्याः ।

दृ॒शी॒क॒वः । 2 (50)

7.3.1.3

स्यु॒स्ते वि॑ ब्रूयु॒र्यदि॑ तत्र॒ न वि॒न्देयु॑रन्तः स॒द॒सा॒द् व्यु॒च्यं य॑दि तत्र॒ न
वि॒न्देयु॑र्गृह॒पति॑ना व्यु॒च्यं तद् व्यु॒च्यमे॒वाथ॑ वा ए॒तथ् सर्प॑राज्ञि॒या
ऋ॒ग्भिः स्तु॑वन्ती॒यं वै सर्प॑तो॒ राज्ञी॑ य॒द्वा अ॒स्यां किं॑ चा॒र्चन्ति॑

य॒दानृ॑चु॒स्तेने॑य॒ꣳ सर्प॑रा॒ज्ञी ते॑ यदे॒व किं॑ च॒ वा॒चा

ऽऽनृ॑चुर्यदतोऽध्यर्चि॑तार – [] 3

7.3.1.3 - Padam

स्युः । ते । वी॒ति । ब्रू॒युः । यदि॑ । तत्र॑ । न । वि॒न्देयुः॑ ।

अ॒न्तस्स॒दसा॒दित्य॑न्तः – स॒दसा॒त् । व्यु॒च्यमि॑ति॒ वि-उ॒च्यम्॑ । यदि॑ ।

तत्र॑ । न । वि॒न्देयुः॑ । गृ॒हप॑ति॒नेति॑ गृ॒ह – प॒तिना॑ । व्यु॒च्यमि॑ति॒ वि-
उ॒च्यम्॑ । तत् । व्यु॒च्यमि॑ति॒ वि – उ॒च्यम्॑ । ए॒व । अथ॑ । वै । ए॒तत् ।

सर्प॑रा॒ज्ञिया इति॑ सर्प – रा॒ज्ञियाः॑ । ऋ॒ग्भि॒रित्यृक् – भिः॑ ।

स्तु॒वन्ति॑ । इ॒यम् । वै । सर्प॑तः । रा॒ज्ञी । यत् । वै । अ॒स्याम् ।

किम् । च । अ॒र्चन्ति॑ । यत् । आ॒नृ॒चुः । तेन॑ । इ॒यम् । सर्प॑रा॒ज्ञीति॑

सर्प॑-रा॒ज्ञी । ते । यत् । ए॒व । किम् । च । वा॒चा । आ॒नृ॒चुः । यत् ।

अतो॑धि । अ॒र्चि॒तारः॑ । 3 (50)

7.3.1.4

-स्तु॒दुभ॑यमाप्त्वा ऽव॒रु॒ध्योत् ति॑ष्ठामेति॒ ताभि॑र्म॒नसा॑ स्तु॒वते॑ न वा

इ॒माम॑श्चर॒थो ना॑श्चत॒रीर॑थः स॒द्यः पर्या॑प्तुमर्हति॒ मनो॑ वा इ॒माꣳ

सद्यः पर्याप्तुमर्हति मनः परिभवितुमथ ब्रह्म वदन्ति परिमिता वा
ऋचः परिमितानि सामानि परिमितानि यजूंष्यथैतस्यैवान्तो
नास्ति यद्-ब्रह्म तत् प्रतिगृणत आ चक्षीत स () प्रतिगरः । 4

7.3.1.4 - Padam

तत् । उभयम् । आप्त्वा । अवरुध्येत्यव – रुध्य । उदिति । तिष्ठाम ।
इति । ताभिः । मनसा । स्तुवते । न । वै । इमाम् । अश्वरथ
इत्यश्व – रथः । न । अश्वतरीरथ इत्यश्वतरी – रथः । सद्यः ।
पर्याप्तुमिति परि-आप्तुम् । अर्हति । मनः । वै । इमाम् । सद्यः ।
पर्याप्तुमिति परि – आप्तुम् । अर्हति । मनः । परिभवितुमिति
परि-भवितुम् । अथ । ब्रह्म । वदन्ति । परिमिता इति परि-मिताः ।
वै । ऋचः । परिमितानीति परि – मितानि । सामानि । परिमितानीति
परि – मितानि । यजूंषि । अथ । एतस्य । एव । अन्तः । न ।
अस्ति । यत् । ब्रह्म । तत् । प्रतिगृणत इति प्रति – गृणते । एति ।
चक्षीत । सः () । प्रतिगर इति प्रति – गरः । 4 (51)

(व्याह स – दृशीकवो – ऽर्चितारः – स – एकं च) (A1)

7.3.2.1

ब्रह्मवादिनो वदन्ति किं द्वादशाहस्य प्रथमेनाहृत्विजां यजमानो
वृद्ध इति तेज इन्द्रियमिति किं द्वितीयेनेति प्राणानन्नाद्यमिति किं
तृतीयेनेति त्रीनिमान् लोकानिति किं चतुर्थेनेति चतुष्पदः पशूनिति
किं पञ्चमेनेति पञ्चाक्षरां पङ्क्तिमिति किं षष्ठेनेति षड् ऋतूनिति
किं सप्तमेनेति सप्तपदां शक्वरीमिति – [] 5

7.3.2.1 - Padam

ब्रह्मवादिन इति ब्रह्म – वादिनः । वदन्ति । किम् । द्वादशाहस्येति
द्वादश – अहस्य । प्रथमेन । अह्ना । ऋत्विजाम् । यजमानः । वृद्धे ।
इति । तेजः । इन्द्रियम् । इति । किम् । द्वितीयेन । इति । प्राणानिति
प्र – अनान् । अन्नाद्यमित्यन्न – अद्यम् । इति । किम् । तृतीयेन ।
इति । त्रीन् । इमान् । लोकान् । इति । किम् । चतुर्थेन । इति ।
चतुष्पद इति चतुः-पदः । पशून् । इति । किम् । पञ्चमेन । इति ।
पञ्चाक्षरामिति पञ्च – अक्षराम् । पङ्क्तिम् । इति । किम् । षष्ठेन ।

इति॑ । षट्॑ । ऋ॒तून् । इति॑ । किम् । स॒प्तमे॑न । इति॑ । स॒प्तप॑दामिति॑
स॒प्त – प॒दाम् । शक्व॑रीम् । इति॑ । 5 (50)

7.3.2.2

किम॑ष्टमे॒नेत्य॑ष्टाक्ष॒रां गाय॑त्रीमिति॑ किं न॒वमे॑नेति॑ त्रि॒वृ॒त॒ऽस्तो॑ममिति॑
किं द॒शमे॑नेति॑ द॒शाक्ष॑रां वि॒राज॑मिति॑ किमे॒काद॑शेनेत्ये॒काद॑शाक्ष॒रां
त्रि॒ष्टु॒भमिति॑ किं द्वा॒दशे॑नेति॑ द्वा॒दशाक्ष॑रां जग॑तीमित्ये॒ताव॑द्वा अ॒स्ति
याव॑दे॒तद् – याव॑दे॒वास्ति॑ तदेषां॑ वृ॒द्धे । 6

7.3.2.2 - Padam

किम् । अ॒ष्टमे॑न । इति॑ । अ॒ष्टाक्ष॑रामित्य॒ष्टा – अक्ष॑राम् । गाय॑त्रीम् ।
इति॑ । किम् । न॒वमे॑न । इति॑ । त्रि॒वृ॒त॒मिति॑ त्रि – वृ॒त॒म् । स्तो॑मम् ।
इति॑ । किम् । द॒शमे॑न । इति॑ । द॒शाक्ष॑रामिति॑ द॒श – अक्ष॑राम् ।
वि॒राज॑मिति॑ वि – रा॒ज॒म् । इति॑ । किम् । ए॒काद॑शेन । इति॑ ।
ए॒काद॑शाक्ष॒रामित्ये॒काद॑श – अक्ष॑राम् । त्रि॒ष्टु॒भम् । इति॑ । किम् ।
द्वा॒दशे॑न । इति॑ । द्वा॒दशाक्ष॑रामिति॑ द्वा॒दश – अक्ष॑राम् । जग॑तीम् ।
इति॑ । ए॒ताव॑त् । वै । अ॒स्ति । याव॑त् । ए॒तत् । याव॑त् । ए॒व ।

अ॒स्ति॑ । तत् । ए॒षाम् । वृ॒द्धे॑ । 6 (41)

(श॒क्व॒री॒मि॒त्ये॑ – क॒च॒त्वा॒रि॒ञ्च॑) (A2)

7.3.3.1

ए॒ष वा॑ आ॒प्तो द्वा॒द॒शा॒हो॑ यत् त्रयो॒द॒शा॒रा॒त्रः॑ स॒मा॒न॒ञ् ह्ये॒तद॒ह॒र्यत्॑
प्रा॒य॒णी॒यश्चो॒द॒य॒नी॒यश्च॑ त्र्य॒ति॒रा॒त्रो भ॒व॒ति॑ त्रय॒ इ॒मे लो॒का ए॒षां
लो॒का॒ना॒मा॒प्त्यै॑ प्रा॒णो वै प्र॒थ॒मोऽति॒रा॒त्रो व्या॒नो द्वि॒तीयो॑ ऽपान॒स्तृ॒तीयः॑
प्रा॒णा॒पा॒नो-दा॒ने॒ष्वे॒वा॒न्नाद्ये॑ प्र॒ति ति॒ष्ठ॒न्ति॑ स॒र्व॒मा॒यु॒र्य॒न्ति॑ य ए॒वं
वि॒द्वा॒ञ् स-स्त्रयो॒द॒शा॒रा॒त्र-मा॒स॒ते॑ तदाहु॒र्वा॒ग्वा ए॒षा वि॒त॒ता - [] 7

7.3.3.1 - Padam

ए॒षः । वै । आ॒प्तः । द्वा॒द॒शा॒ह इति॑ द्वा॒द॒श - अ॒हः । यत् ।
त्रयो॒द॒शा॒रा॒त्र इति॑ त्रयो॒द॒श - रा॒त्रः । स॒मा॒न॒म् । हि । ए॒तत् ।
अ॒हः । यत् । प्रा॒य॒णी॒य इति॑ प्र - अ॒य॒नी॒यः । च । उ॒द॒य॒नी॒य
इ॒त्युत् - अ॒य॒नी॒यः । च । त्र्य॒ति॒रा॒त्र इति॑ त्रि - अ॒ति॒रा॒त्रः ।
भ॒व॒ति॑ । त्रयः॑ । इ॒मे । लो॒काः । ए॒षाम् । लो॒का॒ना॒म् । आ॒प्त्यै॑ ।
प्रा॒ण इति॑ प्र - अ॒नः । वै । प्र॒थ॒मः । अ॒ति॒रा॒त्र इत्य॑ति - रा॒त्रः ।

व्या॒न इति॑ वि – अनः॑ । द्वितीयः॑ । अपान॑ इत्यप-अनः॑ । तृतीयः॑ ।
प्रा॒णापा॒नोदा॒नेष्विति॑ प्रा॒णापा॒न – उदा॒नेषु॑ । ए॒व । अन्नाद्य॑
इत्य॑न्न – अद्यै॑ । प्रतीति॑ । तिष्ठ॑न्ति । सर्व॑म् । आयुः॑ । यन्ति॑ । ये ।
ए॒वम् । वि॒द्वा॒ऽसः॑ । त्रयो॑दशरात्रमिति॑ त्रयो॑दश – रात्र॑म् । आस॑ते ।
तत् । आ॒हुः । वाक् । वै । ए॒षा । वि॒त॒तेति॑ वि – त॒ता । 7 (50)

7.3.3.2

यद् द्वा॒दशा॒हस्तां॑ वि॒च्छि॒न्द्यु॒र्यन्म॑ध्ये ऽति॒रात्रं॑ कुर्यु॒रुप॑दासु॒का
गृ॒हप॑तेर्वा॒ख् स्या॑-दु॒परि॑ष्टाच्छ॒न्दोमा॑नां महा॒व्रतं॑ कुर्व॑न्ति सं॒तता॑मे॒व
वाच॑म॒व रु॒न्धते॑ऽनु॒पदा॑सु॒का गृ॒हप॑तेर्वाग्-भव॑ति प॒शवो॑ वै छ॒न्दोमा॑
अन्नं॑ महा॒व्रतं॑ यदु॒परि॑ष्टाच्छ॒न्दोमा॑नां महा॒व्रतं॑ कुर्व॑न्ति प॒शुषु॑ चै॒वान्नाद्यै॑
च प्र॑ति तिष्ठ॑न्ति । 8

7.3.3.2 - Padam

यत् । द्वा॒दशा॒ह इति॑ द्वा॒दश – अ॒हः । ताम् । वी॒ति । छि॒न्द्युः । यत् ।
म॒ध्ये । अ॒ति॒रात्र॑मित्य॒ति-रा॒त्रम् । कुर्युः॑ । उ॒पदा॑सु॒केत्यु॑प – दा॒सुका॑ ।
गृ॒हप॑तेरिति॑ गृ॒ह – प॑तेः । वाक् । स्या॒त् । उ॒परि॑ष्टात् ।

छन्दो॑मानामि॑ति छन्दः॑ – माना॑म् । महा॑व्रतमि॑ति महा – व्रत॑म् ।
 कुर्व॑न्ति । संत॑तामि॑ति सं-तता॑म् । ए॒व । वाच॑म् । अवे॑ति । रुन्ध॑ते ।
 अनु॑पदासु॑केत्यनु॑प – दासु॑का । गृह॑पतेरि॑ति गृह – पतेः॑ । वाक् ।
 भव॑ति । पश॑वः । वै । छन्दो॑मा इति॑ छन्दः॑ – माः । अन्न॑म् ।
 महा॑व्रतमि॑ति महा – व्रत॑म् । यत् । उप॑रिष्ठात् । छन्दो॑मानामि॑ति
 छन्दः॑ – माना॑म् । महा॑व्रतमि॑ति महा – व्रत॑म् । कुर्व॑न्ति । पशु॑षु ।
 च । ए॒व । अन्ना॑द्य इत्य॑न्न – अद्यै॑ । च । प्र॑तीति । तिष्ठ॑न्ति । 8 (43)

(वित॑ता – त्रिच॑त्वारि॑ंशच्च) (A3)

7.3.4.1

आदि॑त्या अ॒काम॑यन्तो-भयो॑र्लो॒कयो॑र् ऋध॑नुयामेति॑ त ए॒तं च॑तु॒र्दश॑रात्र-
 मप॑श्यन् तमा॑ऽहर॑न् तेना॑यजन्त॑ ततो॑ वै त उ॒भयो॑-लो॒कयो॑-
 राध॑र्नुवन्नस्मि॑श्चा-मुष्मि॑श्च य ए॒वं वि॒द्वाँस॑-श्चतु॒र्दश॑रात्रमा॑सत
 उ॒भयो॑रे॒व लो॒कयो॑र्. ऋध॑नुवन्त्यस्मि॑श्चा-मुष्मि॑श्च चतु॒र्दश॑रात्रो॑ भवति
 सप्त॑ ग्रा॒म्या ओष॑धयः सप्ता॑ऽऽर॒ण्या उ॒भयी॑षाम॑वरु॒द्ध्यै

यत्॑ प॒रा॒ची॒ना॒नि पृ॒ष्ठानि॑ – [] 9

7.3.4.1 - Padam

आ॒दि॒त्याः । अ॒काम॑यन्त । उ॒भयोः॑ । लो॒कयोः॑ । ऋ॒ध्नु॒याम॑ । इति॑ ।
ते । ए॒तम् । च॒तु॒र्द॒श॒रा॒त्रमि॑ति च॒तु॒र्द॒श – रा॒त्रम् । अ॒पश्य॑न् । तम् ।
ए॒ति । अ॒हर॑न् । ते॒न । अ॒यज॑न्त । त॒तः । वै । ते । उ॒भयोः॑ ।
लो॒कयोः॑ । आ॒ध्नु॒वन् । अ॒स्मिन् । च । अ॒मुष्मि॑न् । च । ये ।
ए॒वम् । वि॒द्वा॒ꣳसः । च॒तु॒र्द॒श॒रा॒त्रमि॑ति च॒तु॒र्द॒श – रा॒त्रम् । आ॒स॒ते ।
उ॒भयोः॑ । ए॒व । लो॒कयोः॑ । ऋ॒ध्नु॒वन्ति॑ । अ॒स्मिन् । च । अ॒मुष्मि॑न् ।
च । च॒तु॒र्द॒श॒रा॒त्र इति॑ च॒तु॒र्द॒श – रा॒त्रः । भ॒वति॑ । स॒प्त । ग्रा॒म्याः ।
ओ॒ष॒धयः॑ । स॒प्त । आ॒र॒ण्याः । उ॒भयी॑षाम् । अ॒व॒रु॒ध्या इत्य॑व-रु॒ध्यै ।
यत् । प॒रा॒ची॒ना॒नि । पृ॒ष्ठानि॑ । 9 (50)

7.3.4.2

भ॒व॒न्त्य॒मु॒मे॒व तै॒र्लो॒क॒म॒भि ज॑यन्ति यत् प्र॒ती॒ची॒ना॒नि पृ॒ष्ठानि॑ भ॒व॒न्ती॒म॒मे॒व
तै॒र्लो॒क॒म॒भि ज॑यन्ति त्र॒यस्त्रि॑ꣳशौ म॒ध्य॒तः स्तो॒मौ भ॒वतः॑ सा॒म्रा॒ज्य॒मे॒व
ग॒च्छ॒न्त्य॒धि॒रा॒जौ भ॒वतो॑ऽधि॒रा॒जा ए॒व स॒मा॒ना॒नां भ॒व॒न्त्य॒ति॒रा॒त्रा॒व॒भि॒तो

भवतः॑ परि॒गृही॑त्यै । 10

7.3.4.2 - Padam

भव॑न्ति । अ॒मुम् । ए॒व । तैः॑ । लो॒कम् । अ॒भीति॑ । ज॒यन्ति॑ । यत् ।
प्र॒तीची॑नानि । पृ॒ष्ठानि॑ । भव॑न्ति । इ॒मम् । ए॒व । तैः॑ । लो॒कम् ।
अ॒भीति॑ । ज॒यन्ति॑ । त्रय॑स्त्रि॒ंश॑विति॒ त्रयः॑ – त्रि॒ंशौ । म॒ध्यतः॑ ।
स्तोमौ॑ । भवतः॑ । सा॒म्राज्य॑मिति॒ सां – रा॒ज्यम् । ए॒व । ग॒च्छन्ति॑ ।
अ॒धि॒रा॒जा॒वि॒त्य॒धि – रा॒जौ । भवतः॑ । अ॒धि॒रा॒जा॒ इ॒त्य॒धि – रा॒जाः ।
ए॒व । स॒मा॒ना॒ना॒म् । भव॑न्ति । अ॒ति॒रा॒त्रा॒वि॒त्य॒ति – रा॒त्रौ । अ॒भितः॑ ।
भवतः॑ । परि॒गृही॑त्या इति॒ परि॑ – गृ॒ही॑त्यै । 10 (34)

(पृ॒ष्ठानि – च॒तु॒स्त्रि॒ंश॑च्च) (A4)

7.3.5.1

प्र॒जा॒प॒तिः सु॒वर्गं॑ लो॒कमै॑त् तं दे॒वा अ॒न्वा॒यन् ता॑नादि॒त्याश्च॑
प॒श॒वश्चा॒न्वा॒यन् ते॑ दे॒वा अ॒ब्रु॒वन् या॑न् प॒शून् पा॒जी॒विष्म॑ त इ॒मे
ऽन्वा॒ग॒म॒न्नि॒ति ते॒भ्य ए॒तं च॑तु॒र्द॒श॒रा॒त्रं प्र॒त्यौ॒हन् त आ॑दि॒त्याः पृ॒ष्ठैः
सु॒वर्गं॑ लो॒कमा॑ऽरो॒हन् त्र्य॒हा॒भ्याम॑स्मिन् लो॒के प॒शून् प्र॒त्यौ॒हन्

पृ॒ष्ठैरादि॑त्या अ॒मुष्मिन् लो॒क आ॒र्ध्नुवन् त्र्य॒हाभ्या॑म॒स्मिन् – [] 11

7.3.5.1 - Padam

प्र॒जाप॑तिरिति प्र॒जा – प॒तिः । सु॒वर्ग॑मिति सुवः – गम् । लो॒कम् ।
ऐत् । तम् । दे॒वाः । अ॒न्विति॑ । आ॒यन् । तान् । आ॒दि॒त्याः । च ।
प॒शवः॑ । च । अ॒न्विति॑ । आ॒यन् । ते । दे॒वाः । अ॒ब्रुवन् । यान् ।
प॒शून् । उपा॑जीविष्मेत्युप – अजी॑विष्म । ते । इ॒मे । अ॒न्वाग्म॑न्नित्यनु
– आ॒गमन् । इति॑ । ते॒भ्यः । ए॒तम् । चतु॑र्दशरात्रमिति चतु॑र्दश–रा॒त्रम् ।
प्र॒तीति॑ । औ॒हन् । ते । आ॒दि॒त्याः । पृ॒ष्ठैः । सु॒वर्ग॑मिति सुवः – गम् ।
लो॒कम् । एति॑ । अ॒रोहन् । त्र्य॒हाभ्या॑मिति त्रि – अ॒हाभ्या॑म् ।
अ॒स्मिन् । लो॒के । प॒शून् । प्र॒तीति॑ । औ॒हन् । पृ॒ष्ठैः । आ॒दि॒त्याः ।
अ॒मुष्मिन् । लो॒के । आ॒र्ध्नुवन् । त्र्य॒हाभ्या॑मिति त्रि – अ॒हाभ्या॑म् ।
अ॒स्मिन् । 11 (50)

7.3.5.2

लो॒के प॒शवो॑ य ए॒वं वि॒द्वाँस॑-श्चतु॑र्दशरात्रमासत उ॒भयो॑रेव
लो॒कयो॑र् ऋ॒ध्नुवन्त्य॑स्मिँश्चामु॒ष्मिँश्च पृ॒ष्ठैरे॒वाऽमु॒ष्मिन्

लोक ऋध्नुवन्ति त्र्यहाभ्यामस्मिन् लोके ज्योतिर्गौरायुरिति त्र्यहो
भवतीयं वाव ज्योतिरन्तरिक्षं गौरसावायुरिमानेव लोकानभ्यारोहन्ति
यदन्यतः पृष्ठानि स्युर्विविवधं स्यान्मध्ये पृष्ठानि भवन्ति

सविवधत्वायौ – [] 12

7.3.5.2 - Padam

लोके । पशवः । ये । एवम् । विद्वांसः । चतुर्दशरात्रमिति चतुर्दश
-रात्रम् । आसते । उभयोः । एव । लोकयोः । ऋध्नुवन्ति ।
अस्मिन् । च । अमुष्मिन् । च । पृष्ठैः । एव । अमुष्मिन् । लोके ।
ऋध्नुवन्ति । त्र्यहाभ्यामिति त्रि – अहाभ्याम् । अस्मिन् । लोके ।
ज्योतिः । गौः । आयुः । इति । त्र्यह इति त्रि-अहः । भवति । इयम् ।
वाव । ज्योतिः । अन्तरिक्षम् । गौः । असौ । आयुः । इमान् । एव ।
लोकान् । अभ्यारोहन्तीत्यभि – आरोहन्ति । यत् । अन्यतः । पृष्ठानि ।
स्युः । विविवधमिति वि-विवधम् । स्यात् । मध्ये । पृष्ठानि । भवन्ति ।
सविवधत्वायेति सविवध – त्वाय । 12 (50)

7.3.5.3

—जो॒ वै॒ वी॒र्यं॑ पृ॒ष्ठान्यो॑ज ए॒व वी॒र्यं॑ म॒ध्यतो॑ द॒धते॑ बृ॒हद्—रथ॑न्तराभ्यां॑
य॒न्ती॒यं वा॑व रथ॑न्तरमसौ॑ बृ॒हदा॑भ्यामे॒व य॒न्त्यथो॑ अनयो॑रे॒व प्रति॑
ति॒ष्ठन्त्ये॒ते वै य॒ज्ञस्या॑ञ्जसा॒यनी॑ स्मृ॒ती ता॑भ्यामे॒व सु॒वर्गं लो॒कं य॑न्ति
परा॑ञ्चो वा ए॒ते सु॒वर्गं लो॒कम॑भ्यारो॒हन्ति॑ ये प॒राची॑नानि
पृ॒ष्ठान्यु॑पयन्ति प्र॒त्यङ् त्र्य॒हो भ॑वति प्र॒त्यव॑रूढ्या अथो॒ प्रति॑ष्ठित्या ()
उ॒भयो॑र्लो॒कयो॑र् ऋ॒द्ध्वो॑त् ति॒ष्ठन्ति च॑तु॒र्दशै॑तास्तासां॒ या द॑श
द॒शाक्ष॑रा वि॒राड॒न्नं वि॒राड् वि॒राजै॑वान्नाद्य॒मव॑ रुन्धते॒ याश्च॑त॒स्रश्च॑त॒स्रो
दि॒शो दि॒क्ष्वे॒व प्रति॑ ति॒ष्ठन्त्य॑तिरा॒त्राव॑भितो॒ भव॑तः परि॒गृही॑त्यै । 13

7.3.5.3 - Padam

ओ॒जः । वै । वी॒र्य॑म् । पृ॒ष्ठानि॑ । ओ॒जः । ए॒व । वी॒र्य॑म् । म॒ध्यतः॑ ।
द॒धते॑ । बृ॒हद्—रथ॑न्तराभ्यामि॒ति बृ॒हत् — रथ॑न्तराभ्याम् । य॒न्ति । इ॒यम् ।
वा॒व । रथ॑न्तरमि॒ति रथं॑ — त॒रम् । अ॒सौ । बृ॒हत् । आ॒भ्याम् । ए॒व ।
य॒न्ति । अथो॑ इति॑ । अनयोः॑ । ए॒व । प्र॒तीति॑ । ति॒ष्ठन्ति । ए॒ते इति॑ ।
वै । य॒ज्ञस्य॑ । अ॒ञ्जसा॒यनी॑ इत्य॒ञ्जसा॑ — अ॒यनी॑ । स्मृ॒ती इति॑ ।

ताभ्याम् । ए॒व । सु॒व॒र्गमि॑ति सु॒वः – ग॒म् । लो॒कम् । य॒न्ति ।
 परा॑ञ्चः । वै । ए॒ते । सु॒व॒र्गमि॑ति सु॒वः – ग॒म् । लो॒कम् ।
 अ॒भ्यारो॑हन्तीत्य॒भि – आ॒रोह॑न्ति । ये । परा॑ची॒नानि॑ । पृ॒ष्ठानि॑ ।
 उ॒पय॑न्तीत्यु॒प – य॒न्ति । प्र॒त्यङ् । त्र्य॒ह इति॑ त्रि – अ॒हः । भ॒वति॑ ।
 प्र॒त्यव॑रूढ्या इति॑ प्र॒ति – अ॒वरू॑ढ्यै । अथो॑ इति॑ । प्र॒तिष्ठि॑त्या इति॑
 प्र॒ति-स्थि॑त्यै () । उ॒भयोः॑ । लो॒कयोः॑ । ऋ॒ध्वा । उ॒दि॒ति । तिष्ठ॑न्ति ।
 चतु॑र्द॒शेति॑ चतुः – द॒श । ए॒ताः । ता॒साम् । याः । द॒श । द॒शाक्ष॑रेति॑
 द॒श – अ॒क्षरा॑ । वि॒राडि॑ति वि – राट् । अ॒न्नम् । वि॒राडि॑ति
 वि – राट् । वि॒राजे॑ति वि – रा॒जा । ए॒व । अ॒न्नाद्य॑मित्य॒न्न – अ॒द्यम् ।
 अ॒वेति॑ । रु॒न्धते॑ । याः । च॒तस्रः॑ । च॒तस्रः॑ । दि॒शः । दि॒क्षु । ए॒व ।
 प्र॒तीति॑ । तिष्ठ॑न्ति । अ॒तिरा॑त्रा॒वित्य॑ति – रा॒त्रौ । अ॒भितः॑ । भ॒वतः॑ ।
 परि॑गृहीत्या इति॑ परि – गृ॒हीत्यै॑ । 13 (81)

(आ॒धुर्नु॑वन् त्र्य॒हाभ्या॑मस्मिन्थ् – स॒विव॑ध॒त्वाय॑ – प्र॒तिष्ठ॑त्या –
 ए॒कत्रिं॑शच्च) (A5)

7.3.6.1

इन्द्रो॑ वै स॒दृङ् दे॒वता॑भि॒रासी॑त् स न॒ व्यावृ॑तम॒गच्छ॑त् स
प्र॒जाप॑तिमु॒पाधा॑वत् तस्मा॑ ए॒तं पञ्च॑द॒शरा॑त्रं प्राय॑च्छत् तमा॒हर॑त्
तेना॑यजत ततो॑ वै सोऽन्या॑भि-दे॒वता॑भि-व्यावृ॑तम॒गच्छ॑द्य ए॒वं
वि॒द्वान्सः॑ पञ्च॑द॒शरा॑त्रमा॒सते॑ व्यावृ॑तमे॒व पाप्म॑ना भ्रातृ॒व्येण॑ गच्छन्ति
ज्योति॑र्गौरा॒युरि॑ति त्र्य॒हो भ॑वती॒यं वा॑व ज्योति॑रन्तरि॒क्षं - [] 14

7.3.6.1 - Padam

इन्द्रः॑ । वै । स॒दृङ्ङि॑ति स - दृङ् । दे॒वता॑भिः । आसी॑त् । सः । न ।
व्यावृ॑तमि॒ति वि - आ॒वृ॒तम् । अ॒गच्छ॑त् । सः । प्र॒जाप॑तिमि॒ति
प्र॒जा - प॒तिम् । उ॒पेति॑ । अ॒धा॒वत् । तस्मै॑ । ए॒तम् ।
पञ्च॑द॒शरा॑त्रमि॒ति पञ्च॑द॒श-रा॑त्रम् । प्रेति॑ । अ॒यच्छ॑त् । तम् । ए॒ति ।
अ॒हर॑त् । तेन॑ । अ॒यज॑त । ततः॑ । वै । सः । अ॒न्याभिः॑ । दे॒वता॑भिः ।
व्यावृ॑तमि॒ति वि - आ॒वृ॒तम् । अ॒गच्छ॑त् । ये । ए॒वम् । वि॒द्वान्सः॑ ।
पञ्च॑द॒शरा॑त्रमि॒ति पञ्च॑द॒श - रा॑त्रम् । आ॒सते॑ । व्यावृ॑तमि॒ति
वि - आ॒वृ॒तम् । ए॒व । पाप्म॑ना । भ्रातृ॒व्येण॑ । ग॒च्छन्ति॑ । ज्योतिः॑ ।

गौः । आयुः । इति । त्र्यह इति त्रि – अहः । भवति । इयम् ।

वाव । ज्योतिः । अन्तरिक्षम् । 14 (50)

7.3.6.2

गौरसावायुरेष्वेव लोकेषु प्रति तिष्ठन्त्यसन्नं वा एतद्-यदच्छन्दोमं
यच्छन्दोमा भवन्ति तेन सन्नं देवता एव पृष्ठैरव रुन्धते
पशूञ्छन्दोमैरोजो वै वीर्यं पृष्ठानि पशवः छन्दोमा ओजस्येव वीर्यं
पशुषु प्रति तिष्ठन्ति पञ्चदशरात्रो भवति पञ्चदशो वज्रो वज्रमेव
भ्रातृव्येभ्यः प्र हरन्त्यतिरात्रावभितो भवत इन्द्रियस्य ()

परिगृहीत्यै । 15

7.3.6.2 - Padam

गौः । असौ । आयुः । एषु । एव । लोकेषु । प्रतीति । तिष्ठन्ति ।
असन्नम् । वै । एतत् । यत् । अछन्दोममित्यछन्दः – मम् । यत् ।
छन्दोमा इति छन्दः – माः । भवन्ति । तेन । सन्नम् । देवताः । एव ।
पृष्ठैः । अवेति । रुन्धते । पशून् । छन्दोमैरिति छन्दः-मैः । ओजः ।
वै । वीर्यम् । पृष्ठानि । पशवः । छन्दोमा इति छन्दः – माः ।

ओ॒ज॒सि॑ । ए॒व । वी॒र्ये॑ ॥ प॒शु॒षु । प्र॒ती॒ति॑ । ति॒ष्ठ॒न्ति॑ । प॒ञ्च॒द॒श॒रा॒त्र॑
इति॑ पञ्चदश – रा॒त्रः । भ॒व॒ति॑ । प॒ञ्च॒द॒श॒ इति॑ पञ्च – द॒शः ।
व॒ज्रः॑ । व॒ज्र॒म् । ए॒व । भ्रा॒तृ॒व्ये॒भ्यः॑ । प्रेति॑ । ह॒र॒न्ति॑ । अ॒ति॒रा॒त्रा॒वि॒त्य॒ति॑
– रा॒त्रौ । अ॒भि॒तः॑ । भ॒व॒तः॑ । इ॒न्द्रि॒य॒स्य॑ () । प॒रि॒गृ॒ही॒त्या॑ इति॑
प॒रि – गृ॒ही॒त्यै॑ । 15 (51) (अ॒न्तरि॑क्ष–मि॒न्द्रि॒य॒स्यै–कञ्च॑) (A6)

7.3.7.1

इ॒न्द्रो॑ वै शि॒थि॒ल॒ इ॒वाऽप्र॑ति॒ष्ठि॒त॒ आ॒सी॒त् सोऽसु॑रे॒भ्योऽबि॑भे॒त् स
प्र॒जा॒प॒ति॒मु॒पाऽधा॑वत् तस्मा॑ ए॒तं प॒ञ्च॒द॒श॒रा॒त्रं व॑ज्रं प्राय॑च्छत्
ते॒ना॒सु॒रा॒न् प॒रा॒भा॒व्य॑ वि॒जि॒त्य॑ श्रि॒य॒म॒ग॒च्छ॑द॒ग्नि॒ष्टु॒ता पा॒प्मानं॑ नि॒र॒द॒हत॑
प॒ञ्च॒द॒श॒रा॒त्रेणौ॒जो ब॑लमि॒न्द्रि॒यं वी॒र्य॑मा॒त्म॒न्न॒धत्त॑ य ए॒वं वि॒द्वा॒सः
प॒ञ्च॒द॒श॒रा॒त्रमा॑सते भ्रा॒तृ॒व्या॒ने॒व प॒रा॒भा॒व्य॑ वि॒जि॒त्य॑ श्रि॒यं
ग॒च्छ॒न्त्य॒ग्नि॒ष्टु॒ता पा॒प्मानं॑ नि – [] 16

7.3.7.1 - Padam

इ॒न्द्रः॑ । वै । शि॒थि॒लः॑ । इ॒व । अ॒प्र॒ति॒ष्ठि॒त॒ इत्य॑प्रति – स्थि॒तः॑ ।
आ॒सी॒त् । सः॑ । अ॒सु॒रे॒भ्यः॑ । अ॒बि॒भे॒त् । सः॑ ।

प्र॒जा॒प॒ति॒मि॒ति॒ प्र॒जा – प॒ति॒म् । उ॒पे॒ति॒ । अ॒धा॒व॒त् । तस्मै॑ ॥ ए॒त॒म् ।
 प॒ञ्च॒द॒श॒रा॒त्र॒मि॒ति॒ प॒ञ्च॒द॒श – रा॒त्र॒म् । व॒ज्र॒म् । प्रे॒ति॒ । अ॒य॒च्छ॒त् ।
 ते॒न । अ॒सु॒रा॒न् । प॒रा॒भा॒व्ये॒ति॒ प॒रा – भा॒व्य॒ । वि॒जि॒त्ये॒ति॒ वि – जि॒त्य॒ ।
 श्रि॒य॒म् ॥ अ॒ग॒च्छ॒त् । अ॒ग्नि॒ष्टु॒ते॒त्य॒ग्नि – स्तु॒ता ॥ पा॒प्मान॑म् । नि॒रि॒ति॒ ।
 अ॒द॒ह॒त॒ । प॒ञ्च॒द॒श॒रा॒त्रे॒णे॒ति॒ प॒ञ्च॒द॒श – रा॒त्रे॒ण॒ । ओ॒जः॑ ॥ ब॒ल॒म् ।
 इ॒न्द्रि॒य॒म् । वी॒र्य॑म् । आ॒त्म॒न् । अ॒ध॒त्त॒ । ये॒ । ए॒व॒म् । वि॒द्वा॒ऽसः॑ ।
 प॒ञ्च॒द॒श॒रा॒त्र॒मि॒ति॒ प॒ञ्च॒द॒श – रा॒त्र॒म् । आ॒स॒ते॒ । भ्रा॒तृ॒व्या॒न् । ए॒व ।
 प॒रा॒भा॒व्ये॒ति॒ प॒रा – भा॒व्य॒ । वि॒जि॒त्ये॒ति॒ वि – जि॒त्य॒ । श्रि॒य॒म् ।
 ग॒च्छ॒न्ति॒ । अ॒ग्नि॒ष्टु॒ते॒त्य॒ग्नि – स्तु॒ता ॥ पा॒प्मान॑म् । नि॒रि॒ति॒ । 16 (50)

7.3.7.2

र्द॒ह॒न्ते॑ प॒ञ्च॒द॒श॒रा॒त्रे॒णौ॒जो॑ ब॒ल॒मि॒न्द्रि॒यं वी॒र्य॑मा॒त्म॒न् द॒ध॒त॒ ए॒ता ए॒व
 प॒श॒व्याः॑ प॒ञ्च॒द॒श॒ वा अ॒र्ध॒मा॒स॒स्य॒ रा॒त्रयो॑ऽर्ध॒मा॒स॒शः॑ सँव॒थ्स॒र
 आ॒प्य॒ते सँव॒थ्स॒रं प॒श॒वो॑ऽनु॒ प्र जा॒य॒न्ते॑ तस्मा॒त् प॒श॒व्या॑ ए॒ता ए॒व
 सु॒व॒र्ग्याः॑ प॒ञ्च॒द॒श॒ वा अ॒र्ध॒मा॒स॒स्य॒ रा॒त्रयो॑ऽर्ध॒मा॒स॒शः॑ सँव॒थ्स॒र

आ॒प्य॒ते सँ॒व॒थ्स॒रः सु॒व॒र्गो लो॒क॒स्तस्मा॑त् सु॒व॒र्ग्या ज्यो॒ति॒र्गो॒रायु॑रि॒ति
त्र्य॒हो भ॑व॒तीयं॑ वा॒व ज्यो॒ति॒रन्त॑रि॒क्षं – [] 17

7.3.7.2 - Padam

द॒ह॒न्ते । प॒ञ्च॒द॒श॒रा॒त्रेणे॑ति प॒ञ्च॒द॒श – रा॒त्रेण॑ । ओ॒जः । ब॒लम् ।
इ॒न्द्रि॒यम् । वी॒र्य॑म् । आ॒त्म॒न् । द॒ध॒ते । ए॒ताः । ए॒व । प॒श॒व्याः ।
प॒ञ्च॒द॒शेति॑ प॒ञ्च – द॒श । वै । अ॒र्ध॒मा॒स॒स्येत्य॑र्ध – मा॒स॒स्य ।
रा॒त्रयः॑ । अ॒र्ध॒मा॒स॒श इत्य॑र्ध॒मा॒स – शः । सँ॒व॒थ्स॒र इति॑ सं – व॒थ्स॒रः ।
आ॒प्य॒ते । सँ॒व॒थ्स॒रमि॑ति सं – व॒थ्स॒रम् । प॒श॒वः । अ॒नु । प्रे॑ति ।
जा॒य॒न्ते । तस्मा॑त् । प॒श॒व्याः । ए॒ताः । ए॒व । सु॒व॒र्ग्या इति॑
सु॒वः – ग्याः । प॒ञ्च॒द॒शेति॑ प॒ञ्च – द॒श । वै । अ॒र्ध॒मा॒स॒स्येत्य॑र्ध
– मा॒स॒स्य । रा॒त्रयः॑ । अ॒र्ध॒मा॒स॒श इत्य॑र्ध॒मा॒स – शः । सँ॒व॒थ्स॒र इति॑
सं – व॒थ्स॒रः । आ॒प्य॒ते । सँ॒व॒थ्स॒र इति॑ सं – व॒थ्स॒रः । सु॒व॒र्ग
इति॑ सु॒वः – गः । लो॒कः । तस्मा॑त् । सु॒व॒र्ग्या इति॑ सु॒वः – ग्याः ।

ज्योतिः॑ । गौः॑ । आयुः॑ । इति॑ । त्र्य॒ह इति॑ त्रि – अ॒हः॑ । भ॒व॒ति॑ ।

इ॒य॒म् । वा॒व । ज्योतिः॑ । अ॒न्त॒रि॒क्ष॒म् । 17 (50)

7.3.7.3

गौ॒र॒सा॒वा॒यु॒रि॒मा॒ने॒व लो॒का॒न॒भ्या॒रो॒ह॒न्ति॑ यद॒न्य॒तः॑ पृ॒ष्ठा॒नि स्यु॒र्वि॒वि॒व॒ध॑ ७
स्या॒न्म॒द्ध्ये॑ पृ॒ष्ठा॒नि भ॒व॒न्ति॑ स॒वि॒व॒ध॒त्वा॒यौ॒जो॒ वै वी॒र्यं॑ पृ॒ष्ठा॒न्यो॒ज ए॒व
वी॒र्यं॑ म॒ध्य॒तो द॒ध॒ते बृ॒हद्-र॒थ॒न्त॒रा॒भ्यां॑ य॒न्ती॒यं वा॒व र॒थ॒न्त॒र॒म॒सौ
बृ॒ह॒दा॒भ्या॒मे॒व य॒न्त्य॒थो अ॒नयो॑रे॒व प्र॒ति ति॒ष्ठ॒न्त्ये॒ते वै य॒ज्ञ॒स्या॒ञ्ज॒सा॒य॒नी
स्रु॒ती ता॒भ्या॒मे॒व सु॒व॒र्गं लो॒कं – [] 18

7.3.7.3 - Padam

गौः॑ । अ॒सौ । आयुः॑ । इ॒मा॒न् । ए॒व । लो॒का॒न् । अ॒भ्या॒रो॒ह॒न्ती॒त्य॒भि
-आ॒रो॒ह॒न्ति॑ । यत् । अ॒न्य॒तः॑ । पृ॒ष्ठा॒नि । स्युः॑ । वि॒वि॒व॒ध॒मि॒ति
वि – वि॒व॒ध॒म् । स्या॒त् । म॒ध्ये॑ । पृ॒ष्ठा॒नि । भ॒व॒न्ति॑ । स॒वि॒व॒ध॒त्वा॒ये॒ति
स॒वि॒व॒ध – त्वा॒य । ओ॒जः॑ । वै । वी॒र्य॒म् । पृ॒ष्ठा॒नि । ओ॒जः॑ । ए॒व ।
वी॒र्य॒म् । म॒ध्य॒तः॑ । द॒ध॒ते । बृ॒हद्-र॒थ॒न्त॒रा॒भ्या॒मि॒ति॑ बृ॒ह॒त्-र॒थ॒न्त॒रा॒भ्या॒म् ।
य॒न्ति॑ । इ॒य॒म् । वा॒व । र॒थ॒न्त॒र॒मि॒ति॑ र॒थं – त॒र॒म् । अ॒सौ । बृ॒ह॒त् ।

आ॒भ्याम् । ए॒व । य॒न्ति । अ॒थो इति॑ । अ॒न॒योः॑ । ए॒व । प्र॒तीति॑ ।
ति॒ष्ठन्ति॑ । ए॒ते इति॑ । वै । य॒ज्ञस्य॑ । अ॒ञ्जसा॑यनी इत्यञ्जसा-
अ॒यनी॑ । सु॒ती इति॑ । ता॒भ्याम् । ए॒व । सु॒व॒र्गमि॑ति सु॒वः – गम् ।

लो॒कम् । 18 (50)

7.3.7.4

य॒न्ति॑ प॒राञ्चो॑ वा ए॒ते सु॒व॒र्गं लो॒कम॑भ्या॒रोह॑न्ति ये प॒राची॑नानि
पृ॒ष्ठान्यु॑पयन्ति प्र॒त्यङ् न्यहो॑ भवति प्र॒त्यव॑रूढ्या अ॒थो प्र॒तिष्ठि॑त्या
उ॒भयो॑र्लो॒कयो॑र् ऋ॒द्ध्वोत् ति॒ष्ठन्ति॑ पञ्चद॒शैता॑स्ता॒सां या॑ द॒श
द॒शाक्ष॑रा वि॒राडन्नं॑ वि॒राड् वि॒राजै॑वान्नाद्यमव रुन्धते याः पञ्च पञ्च
दि॒शो दि॒क्ष्वेव॑ प्र॒ति ति॒ष्ठन्त्यति॑रात्राव॒भितो॑ भवत इन्द्रि॒यस्य॑ वी॒र्य॑स्य
प्र॒जायै॑ () प॒शूनां॑ परिगृहीत्यै । 19

7.3.7.4 - Padam

य॒न्ति॑ । प॒राञ्चः॑ । वै । ए॒ते । सु॒व॒र्गमि॑ति सु॒वः – गम् । लो॒कम् ।
अ॒भ्या॒रोह॑न्तीत्यभि – आ॒रोह॑न्ति । ये । प॒राची॑नानि । पृ॒ष्ठानि॑ ।
उ॒पय॑न्तीत्युप – यन्ति॑ । प्र॒त्यङ् । न्यह॑ इति त्रि – अ॒हः । भ॒वति॑ ।

प्रत्य॑वरू॒ढ्या इति॑ प्रति॑ – अव॑रूढ्यै॑ । अथो॑ इति॑ । प्रति॑ष्ठित्या॑ इति॑
 प्रति॑ – स्थि॑त्यै । उ॒भयोः॑ । लो॒कयोः॑ । ऋ॒ध्वा । उ॒दि॒ति । तिष्ठ॑न्ति ।
 पञ्च॑द॒शेति॑ पञ्च॑ – द॒श । ए॒ताः । ता॒साम् । याः । द॒श ।
 द॒शाक्ष॑रेति॑ द॒श – अ॒क्षरा॑ । वि॒राडिति॑ वि – राट् । अ॒न्नम् ।
 वि॒राडिति॑ वि – राट् । वि॒राजे॑ति वि – रा॒जा । ए॒व । अ॒न्नाद्य॑मित्य॒न्न
 – अ॒द्यम् । अ॒वेति॑ । रु॒न्धते॑ । याः । पञ्च॑ । पञ्च॑ । दि॒शः । दि॒क्षु ।
 ए॒व । प्र॒तीति॑ । तिष्ठ॑न्ति । अ॒तिरा॒त्रावि॑त्यति॑ – रा॒त्रौ । अ॒भितः॑ ।
 भ॒वतः॑ । इ॒न्द्रि॒यस्य॑ । वी॒र्य॑स्य । प्र॒जाया॑ इति॑ प्र – जा॒यै () ।
 प॒शूना॑म् । परि॑गृहीत्या॑ इति॑ परि॑ – गृ॒हीत्यै॑ । 19 (52)

(गच्छ॑न्त्यग्नि॒ष्टुता॑ पा॒प्मानं॑ नि॒रन्तरि॑क्षं – लो॒कं – प्र॒जायै॑
 – द्वे च) (A7)

7.3.8.1

प्र॒जाप॑ति-र॒काम॑य॒तान्ना॑दः स्या॒मिति॑ स ए॒तः स॑प्तद॒शरा॒त्र-म॑पश्यत्
 तमा॑ऽह॒रत् ते॒नाय॑जत॒ ततो॑ वै सोऽन्ना॑दोऽभव॑द्य ए॒वं वि॒द्वाऽसः॑

सप्तदश-रात्रमासते॑ ऽन्नादा॑ ए॒व भव॑न्ति पञ्चा॒हो भव॑ति पञ्च॒ वा
ऋ॒तवः॑ सँ॒वथ्स॑र ऋ॒तुष्वे॒व सँ॒वथ्स॑रे प्र॒ति तिष्ठ॑न्त्यथो॒ पञ्चाक्ष॑रा
प॒ङ्क्तिः॑ पा॒ङ्क्तो य॒ज्ञो य॒ज्ञमे॒वाऽव॑ रु॒न्धते॑ ऽस॒त्रं वा॑ ए॒त- [] 20

7.3.8.1 - Padam

प्र॒जाप॑तिरि॒ति प्र॒जा - प॒तिः । अ॒काम॑यत । अ॒न्नाद॑ इत्य॒न्न - अ॒दः ।
स्या॒म् । इति॑ । सः । ए॒तम् । सप्त॑दशरा॒त्रमि॑ति सप्त॑दश - रा॒त्रम् ।
अप॑श्यत् । तम् । ए॒ति । अ॒हरत् । ते॒न । अ॒यज॑त । ततः॑ । वै ।
सः । अ॒न्नाद॑ इत्य॒न्न - अ॒दः । अ॒भव॑त् । ये । ए॒वम् । वि॒द्वाँ॒सः ।
सप्त॑दशरा॒त्रमि॑ति सप्त॑दश-रा॒त्रम् । आ॒सते॑ । अ॒न्नादा॑ इत्य॒न्न-अ॒दाः ।
ए॒व । भव॑न्ति । पञ्चा॒ह इति॑ पञ्च॒ - अ॒हः । भव॑ति । पञ्च॒ । वै ।
ऋ॒तवः॑ । सँ॒वथ्स॑र इति॑ सं - व॒थ्स॑रः । ऋ॒तुषु॑ । ए॒व । सँ॒वथ्स॑र
इति॑ सं - व॒थ्स॑रे । प्र॒तीति॑ । तिष्ठ॑न्ति । अथो॒ इति॑ । पञ्चाक्ष॑रेति
पञ्च॒ - अ॒क्षरा॑ । प॒ङ्क्तिः॑ । पा॒ङ्क्तः॑ । य॒ज्ञः । य॒ज्ञम् । ए॒व । अ॒वेति॑ ।
रु॒न्धते॑ । अ॒सत्र॑म् । वै । ए॒तत् । 20 (50)

7.3.8.2

– द्य॒द॒छ॒न्दो॒मं॒ य॒च्छ॒न्दो॒मा॒ भव॑न्ति ते॒न स॒त्रं दे॒वता॑ ए॒व पृ॒ष्ठैर॑व
रु॒न्धते॑ प॒शूञ्छ॒न्दो॒मैरो॒जो वै वी॒र्यं॑ पृ॒ष्ठानि॑ प॒शवः॑ छ॒न्दो॒मा ओ॒जस्ये॑व
वी॒र्यं॑ प॒शुषु॑ प्र॒ति ति॒ष्ठन्ति॑ स॒प्तद॒शरा॒त्रो भ॑वति स॒प्तद॒शः प्र॒जाप॑तिः
प्र॒जाप॑ते॒राप्त्या॑ अ॒तिरा॒त्राव॑भितो॒ भव॑तोऽन्ना॒द्यस्य॑ परि॒गृही॑त्यै । 21

7.3.8.2 - Padam

यत् । अ॒छ॒न्दो॒ममि॑त्य॒छन्दः॑ – मम् । यत् । छ॒न्दो॒मा इति॑ छ॒न्दः – माः ।
भव॑न्ति । ते॒न । स॒त्रम् । दे॒वताः॑ । ए॒व । पृ॒ष्ठैः । अ॒वेति॑ । रु॒न्धते॑ ।
प॒शून् । छ॒न्दो॒मैरि॑ति छ॒न्दः – मैः । ओ॒जः । वै । वी॒र्यम्॑ । पृ॒ष्ठानि॑ ।
प॒शवः॑ । छ॒न्दो॒मा इति॑ छ॒न्दः – माः । ओ॒जसि॑ । ए॒व । वी॒र्यं॑ ।
प॒शुषु॑ । प्र॒तीति॑ । ति॒ष्ठन्ति॑ । स॒प्तद॒शरा॒त्र इति॑ स॒प्तद॒श – रा॒त्रः ।
भव॑ति । स॒प्तद॒श इति॑ स॒प्त – द॒शः । प्र॒जाप॑तिरि॒ति प्र॒जा – प॑तिः ।
प्र॒जाप॑ते॒रिति॑ प्र॒जा – प॑तेः । आ॒प्त्यै । अ॒तिरा॒त्रावि॑त्यति – रा॒त्रौ ।
अ॒भितः॑ । भ॒वतः॑ । अ॒न्नाद्य॑स्येत्य॒न्न – अ॒द्यस्य॑ । परि॒गृही॑त्या इति॑
परि॑ – गृ॒हीत्यै॑ । 21 (37) (ए॒तथ् – स॒प्तत्रिं॑शच्च) (A8)

7.3.9.1

सा वि॒राड् वि॒क्रम्याति॑ष्ठद्-ब्र॒ह्मणा॑ दे॒वेष्व॑न्ने॒ना-सु॑रेषु ते दे॒वा
अ॒काम॑यन्तो॒भय॑ꣳ सं वृ॑ज्जीमहि ब्र॒ह्म चा॒न्नं चे॒ति त ए॒ता
वि॑ꣳशतिꣳ रा॒त्रीरप॑श्यन् ततो॒ वै त उ॒भय॑ꣳ स॒मवृ॑ज्जत ब्र॒ह्म
चा॒न्नं च॑ ब्र॒ह्मव॑र्च॒सिनोऽन्ना॑दा अ॒भवन् य ए॒वं वि॒द्वाꣳस ए॒ता
आ॒सत उ॒भय॑मे॒व सँ वृ॑ज्जते ब्र॒ह्म चा॒न्नं च - [] 22

7.3.9.1 - Padam

सा । वि॒राडि॑ति वि - राट् । वि॒क्रम्ये॑ति वि - क्र॒म्य । अ॒ति॒ष्ठत् ।
ब्र॒ह्मणा॑ । दे॒वेषु॑ । अ॒न्नेन॑ । अ॒सुरेषु॑ । ते । दे॒वाः । अ॒काम॑यन्त ।
उ॒भय॑म् । स॒मिति॑ । वृ॒ज्जीम॑हि । ब्र॒ह्म । च । अ॒न्नम् । च । इति॑ ।
ते । ए॒ताः । वि॑ꣳशतिम् । रा॒त्रीः । अ॒पश्य॑न् । ततः॑ । वै । ते ।
उ॒भय॑म् । स॒मिति॑ । अ॒वृज्ज॑त । ब्र॒ह्म । च । अ॒न्नम् । च ।
ब्र॒ह्मव॑र्च॒सिन इति॑ ब्र॒ह्म - व॑र्च॒सिनः॑ । अ॒न्नादा॑ इत्य॒न्न - अ॒दाः ।
अ॒भव॑न् । ये । ए॒वम् । वि॒द्वाꣳसः॑ । ए॒ताः । आ॒सते॑ । उ॒भय॑म् ।
ए॒व । स॒मिति॑ । वृ॒ज्जते॑ । ब्र॒ह्म । च । अ॒न्नम् । च । 22 (50)

7.3.9.2

ब्रह्मवर्चसिनोऽन्नादा भवन्ति द्वे वा एते विराजौ तयोरेव नाना प्रति
तिष्ठन्ति विंशो वै पुरुषो दश हस्त्या अङ्गुलयो दश पद्या यावानेव
पुरुषस्तमाप्त्वोत् तिष्ठन्ति ज्योतिर्गौरायुरिति त्र्यहा भवन्तीयं वाव
ज्योतिरन्तरिक्षं गौरसावायुरिमानेव लोका-नभ्यारोहन्त्यभिपूर्वं
त्र्यहा भवन्त्यभिपूर्वमेव सुवर्गं - [] 23

7.3.9.2 - Padam

ब्रह्मवर्चसिन इति ब्रह्म - वर्चसिनः । अन्नादा इत्यत्र - अदाः ।
भवन्ति । द्वे इति । वै । एते इति । विराजाविति वि-राजौ । तयोः ।
एव । नाना । प्रतीति । तिष्ठन्ति । विंशः । वै । पुरुषः । दश ।
हस्त्याः । अङ्गुलयः । दश । पद्याः । यावान् । एव । पुरुषः । तम् ।
आप्त्वा । उदिति । तिष्ठन्ति । ज्योतिः । गौः । आयुः । इति । त्र्यहा
इति त्रि - अहाः । भवन्ति । इयम् । वाव । ज्योतिः । अन्तरिक्षम् ।
गौः । असौ । आयुः । इमान् । एव । लोकान् । अभ्यारोहन्तीत्यभि
-आरोहन्ति । अभिपूर्वमित्यभि - पूर्वम् । त्र्यहा इति त्रि - अहाः ।

भवन्ति । अभिपूर्वमित्यभि – पूर्वम् । एव ।

सुवर्गमिति सुवः-गम् । 23 (50)

7.3.9.3

लोकमभ्यारोहन्ति यदन्यतः पृष्ठानि स्युर्विविधं स्यान्मध्ये
पृष्ठानि भवन्ति सविवधत्वायौजो वै वीर्यं पृष्ठान्योज एव वीर्यं
मध्यतो दधते बृहद्-रथन्तराभ्यां यन्तीयं वाव रथन्तरमसौ
बृहदाभ्यामेव यन्त्यथो अनयोरेव प्रति तिष्ठन्त्येते वै
यज्ञस्याञ्जसायनी स्रुती ताभ्यामेव सुवर्गं लोकं यन्ति पराञ्चो वा
एते सुवर्गं () लोकमभ्यारोहन्ति ये पराचीनानि पृष्ठान्युपयन्ति
प्रत्यङ् न्यहो भवति प्रत्यवरूढ्या अथो प्रतिष्ठित्या उभयोर्लोकयार्
ऋद्ध्वोत् तिष्ठन्त्यतिरात्रावभितो भवतो ब्रह्मवर्चस-स्यान्नाद्यस्य
परिगृहीत्यै । 24

7.3.9.3 - Padam

लोकम् । अभ्यारोहन्तीत्यभि-आरोहन्ति । यत् । अन्यतः । पृष्ठानि ।
स्युः । विविधमिति वि – विवधम् । स्यात् । मध्ये । पृष्ठानि ।

भवन्ति । सविवधत्वायेति सविवध – त्वाय । ओजः । वै । वीर्यम् ।
 पृष्ठानि । ओजः । एव । वीर्यम् । मध्यतः । दधते ।
 बृहद्रथन्तराभ्यामिति बृहत् – रथन्तराभ्याम् । यन्ति । इयम् । वाव ।
 रथन्तरमिति रथं – तरम् । असौ । बृहत् । आभ्याम् । एव । यन्ति ।
 अथो इति । अनयोः । एव । प्रतीति । तिष्ठन्ति । एते इति । वै ।
 यज्ञस्य । अज्जसायनी इत्यज्जसा – अयनी । सुती इति ।
 ताभ्याम् । एव । सुवर्गमिति सुवः – गम् । लोकम् । यन्ति ।
 पराञ्चः । वै । एते । सुवर्गमिति सुवः – गम् () । लोकम् ।
 अभ्यारोहन्तीत्यभि – आरोहन्ति । ये । पराचीनानि । पृष्ठानि ।
 उपयन्तीत्युप – यन्ति । प्रत्यङ् । त्र्यह इति त्रि – अहः । भवति ।
 प्रत्यवरूढ्या इति प्रति – अवरूढ्यै । अथो इति । प्रतिष्ठित्या इति
 प्रति – स्थित्यै । उभयोः । लोकयोः । ऋध्वा । उदिति । तिष्ठन्ति ।
 अतिरात्रावित्यति – रात्रौ । अभितः । भवतः । ब्रह्मवर्चसस्येति
 ब्रह्म – वर्चसस्य । अन्नाद्यस्येत्यन्न – अद्यस्य ।

परिगृही॑त्या इति॑ परि – गृही॑त्यै । 24 (73) (वृ॒ञ्जते॑ ब्र॒ह्म चां॑ नं॑ च
– सु॒वर्ग – मे॒ते सु॒वर्ग – त्रयो॑वि॒ंशति॑श्च) (A9)

7.3.10.1

अ॒सावा॑दि॒त्योऽस्मिन्॑ लो॒क आ॑सीत् तं दे॒वाः पृ॒ष्ठैः परि॑गृह्य सु॒वर्गं
लो॒कम॑गमयन् परै॑रवस्तात् पर्य॑गृह्णन् दि॒वाकी॒र्त्येन॑ सु॒वर्गे लो॒के
प्रत्य॑स्थापयन् परैः॑ परस्तात् पर्य॑गृह्णन् पृ॒ष्ठैरु॒पावा॑रोहन्त्स वा
अ॒सावा॑दि॒त्योऽमु॑ष्मिन् लो॒के परै॑रुभयतः परि॑गृहीतो यत् पृ॒ष्ठानि॑
भव॑न्ति सु॒वर्गमे॒व तैर्लो॒कं य॑जमाना यन्ति॑ परै॑रवस्तात् परि॑ गृह्णन्ति
दि॒वाकी॒र्त्येन॑ – [] 25

7.3.10.1 - Padam

अ॒सौ । आ॒दि॒त्यः । अ॒स्मिन् । लो॒के । आ॒सीत् । तम् । दे॒वाः ।
पृ॒ष्ठैः । परि॑गृह्येति॑ परि – गृह्य॑ । सु॒वर्ग॑मिति॑ सु॒वः – गम् । लो॒कम् ।
अ॒गम॑यन् । परैः॑ । अ॒वस्ता॑त् । परी॑ति । अ॒गृह्ण॑न् । दि॒वाकी॒र्त्येने॑ति॑
दि॒वा – की॒र्त्येन॑ । सु॒वर्ग॑ इति॑ सु॒वः – गे । लो॒के । प्रती॑ति ।
अ॒स्था॒पय॑न् । परैः॑ । प॒रस्ता॑त् । परी॑ति । अ॒गृह्ण॑न् । पृ॒ष्ठैः ।

उपा॑वारो॑हन्नि॒त्युप॑ – अ॒वारो॑हन् । सः । वै । अ॒सौ । आ॒दित्यः॑ ।
अ॒मुष्मिन् । लो॒के । परैः॑ । उ॒भय॑तः । परि॑गृही॒त इति॑ परि॒-गृही॑तः ।
यत् । पृ॒ष्ठानि॑ । भ॒वन्ति॑ । सु॒वर्ग॑मि॒ति सु॒वः – गम् । ए॒व । तैः ।
लो॒कम् । यज॑मा॒नाः । य॒न्ति । परैः॑ । अ॒वस्ता॑त् । परी॑ति । गृ॒ह्णन्ति॑ ।
दि॒वाकी॑र्त्ये॒नेति॑ दि॒वा – की॑र्त्ये॒न । 25 (50)

7.3.10.2

सु॒वर्गे लो॒के प्र॒ति ति॑ष्ठन्ति॒ परैः॑ प॒रस्ता॑त् परि॑ गृ॒ह्णन्ति॑ पृ॒ष्ठैरु॑पा॒वरो॑हन्ति॒
यत् परै॑ प॒रस्ता॑न्न स्युः प॒राञ्चः॑ सु॒वर्गा-ल्लो॒कान्नि॑ष्प॒द्यैरन्
यद॒वस्ता॑न्न स्युः प्र॒जा निर्द॑हेयुर॒भितो॑ दि॒वाकी॑र्त्ये॒ परः॑सा॒मानो॑ भ॒वन्ति॑
सु॒वर्ग ए॒वैनां॑ लो॒क उ॒भय॑तः परि॑ गृ॒ह्णन्ति॑ यज॑मा॒ना वै दि॒वाकी॑र्त्ये॒
सँव॑त्सरः॒ परः॑सा॒मानो॑ऽभितो॑ दि॒वाकी॑र्त्ये॒ परः॑सा॒मानो॑ भ॒वन्ति॑

सँव॑त्सर ए॒वोभ॑यतः – [] 26

7.3.10.2 - Padam

सु॒वर्ग इति॑ सु॒वः-गे॑ । लो॒के । प्र॒तीति॑ । ति॒ष्ठन्ति॑ । परैः॑ । प॒रस्ता॑त् ।
परी॑ति । गृ॒ह्णन्ति॑ । पृ॒ष्ठैः । उ॒पाव॑रो॒हन्ती॑त्युप॑ – अ॒वरो॑हन्ति । यत् ।

परे॑ । पर॑स्तात् । न । स्युः॑ । परा॑ञ्चः । सु॒वर्गादि॑ति सु॒वः – गात् ।
लो॒कात् । नि॒रिति॑ । प॒द्ये॒रन् । यत् । अ॒वस्ता॑त् । न । स्युः॑ ।
प्र॒जा इति॑ प्र – जाः । नि॒रिति॑ । द॒हे॒युः । अ॒भितः॑ । दि॒वाकी॑र्त्यमि॒ति
दि॒वा – की॒र्त्यम् । पर॑स्सामा॒न इति॑ परः – सा॒मानः । भ॒वन्ति॑ ।
सु॒वर्ग इति॑ सु॒वः – गो॑ । ए॒व । ए॒नान् । लो॒के । उ॒भय॑तः । प॒रीति॑ ।
गृ॒ह्णन्ति॑ । य॒ज॒मा॒नाः । वै । दि॒वाकी॑र्त्यमि॒ति दि॒वा – की॒र्त्यम् ।
सँ॒व॒त्स॒र इति॑ सं – व॒त्स॒रः । पर॑स्सामा॒न इति॑ परः – सा॒मानः ।
अ॒भितः॑ । दि॒वाकी॑र्त्यमि॒ति दि॒वा – की॒र्त्यम् । पर॑स्सामा॒न इति॑
परः॑ सा॒मानः । भ॒वन्ति॑ । सँ॒व॒त्स॒र इति॑ सं – व॒त्स॒रे । ए॒व ।
उ॒भय॑तः । 26 (50)

7.3.10.3

प्र॒ति ति॑ष्ठन्ति पृ॒ष्ठं वै दि॒वाकी॑र्त्यं पा॒र्श्वे परः॑सा॒मानो ऽभितो॑
दि॒वाकी॑र्त्यं परः॑सा॒मानो भ॒वन्ति॑ तस्मा॒द॒भितः॑ पृ॒ष्ठं पा॒र्श्वे
भू॒यि॒ष्ठा ग्र॑हा गृ॒ह्यन्ते॑ भू॒यि॒ष्ठं श॑स्यते य॒ज्ञस्यै॒व तन्म॑ध्यतो

ग्रन्थिं॑ ग्र॒थन्त्य॑वि॒स्रञ्साय॑ स॒प्त गृ॒ह्यन्ते॑ स॒प्त वै शी॑र्ष॒ण्याः॑
प्रा॒णाः प्रा॒णाने॑व यज॒मानेषु॑ दधति॒ यत् परा॑ची॒नानि॑ पृ॒ष्ठानि॑
भव॑न्त्यमु॒मेव तै॑-लो॒कम॒भ्यारो॑हन्ति॒ यदि॒मं लो॒कं न - [] 27

7.3.10.3 - Padam

प्रती॑ति । तिष्ठ॑न्ति । पृ॒ष्ठम् । वै । दि॒वा की॒र्त्यमि॑ति॒ दिवा - की॒र्त्यम् ।
पा॒र्श्वे इति॑ । पर॑स्सामान इति॒ परः - सामानः॑ । अ॒भितः॑ ।
दि॒वा की॒र्त्यमि॑ति॒ दिवा - की॒र्त्यम् । पर॑स्सामान इति॒ परः-सामानः॑ ।
भव॑न्ति । तस्मा॑त् । अ॒भितः॑ । पृ॒ष्ठम् । पा॒र्श्वे इति॑ । भूयि॑ष्ठाः । ग्र॒हाः ।
गृ॒ह्यन्ते॑ । भूयि॑ष्ठम् । श॒स्यते॑ । य॒ज्ञस्य॑ । ए॒व । तत् । म॒ध्यतः॑ ।
ग्रन्थि॑म् । ग्र॒थन्ति॑ । अ॒वि॒स्रञ्सा॑येत्य॒वि - स्रञ्सा॑य । स॒प्त ।
गृ॒ह्यन्ते॑ । स॒प्त । वै । शी॑र्ष॒ण्याः॑ । प्रा॒णा इति॑ प्र - अ॒नाः ।
प्रा॒णानि॑ति॒ प्र - अ॒नान् । ए॒व । यज॑मानेषु । दध॑ति । यत् ।
परा॑ची॒नानि॑ । पृ॒ष्ठानि॑ । भव॑न्ति । अ॒मुम् । ए॒व । तैः । लो॒कम् ।
अ॒भ्यारो॑हन्तीत्य॒भि-आ॑रोहन्ति । यत् । इ॒मम् । लो॒कम् । न । 27 (50)

7.3.10.4

प्रत्यव॒-रो॒हे॒युरु॒द्वा मा॒द्यै॒युर्य॑ज॒मानाः॑ प्र॒ वा मी॒यैर॑न् यत् प्र॒ती॒ची॒नानि॑
पृ॒ष्ठानि॑ भव॒न्ती॒ममे॒व तैर्लो॒कं प्र॒त्यव॑रो॒हन्त्य॑थो अ॒स्मिन्ने॒व लो॒के प्र॒ति
ति॒ष्ठन्त्य॑नु॒न्मादा॑येन्द्रो॒ वा अ॒प्रति॑ष्ठित आसी॒त् स प्र॒जाप॑ति-मु॒पाधा॑वत्
तस्मा॑ ए॒तमे॑कवि॒ंशति॑रात्रं प्राय॑च्छत् तमा॒ऽहर॑त् तेना॒यज॑त ततो॒ वै स
प्रत्य॑तिष्ठ॒द्ये बहु॑याजिनो॒ ऽप्रति॑ष्ठिताः - [] 28

7.3.10.4 - Padam

प्रत्यव॒रो॒हे॒युरि॑ति प्र॒ति - अव॒रो॒हे॒युः । उ॒दि॒ति । वा । मा॒द्यै॒युः ।
यज॑मानाः । प्रे॒ति । वा । मी॒यैर॑न् । यत् । प्र॒ती॒ची॒नानि॑ । पृ॒ष्ठानि॑ ।
भव॑न्ति । इ॒मम् । ए॒व । तैः । लो॒कम् । प्र॒त्यव॑रो॒हन्ती॑ति
प्र॒ति - अव॑रोहन्ति । अथो॒ इति॑ । अ॒स्मिन् । ए॒व । लो॒के । प्र॒तीति॑ ।
ति॒ष्ठन्ति॑ । अनु॒न्मादा॑येत्यनुत् - मा॒दाय॑ । इन्द्रः॑ । वै । अ॒प्रति॑ष्ठित
इत्य॑प्रति - स्थि॒तः । आसी॑त् । सः । प्र॒जाप॑तिमि॒ति प्र॒जा-प॑तिम् ।
उ॒पेति॑ । अ॒धाव॑त् । तस्मै॑ । ए॒तम् । ए॒कवि॒ंशति॑रात्रमि॒त्येक॑वि॒ंशति॑
-रा॒त्रम् । प्रे॒ति । अ॒यच्छ॑त् । तम् । ए॒ति । अ॒हर॑त् । तेन॑ । अ॒यज॑त ।

ततः॑ । वै । सः । प्रतीति॑ । अतिष्ठत् । ये । बहु॒याजिन॑ इति
बहु – याजिनः॑ । अप्रतिष्ठिता॑ इत्यप्रति – स्थिताः । 28 (50)

7.3.10.5

स्युस्त॑ एकवि॒ंशति॑-रात्रमासीरन् द्वाद॑श मा॒साः पञ्च॑र्तवस्त्रय॑ इमे
लो॒का असा॑वादित्य॑ एकवि॒ंश एता॑वन्तो वै दे॒वल॒ोकास्तेष्वे॒व यथा
पूर्व॑ प्रति तिष्ठन्त्यसा॑वादित्यो न व्यरोचत॑ स प्रजा॑पतिमुपाधावत्
तस्मा॑ एतमे॒कवि॒ंशति॑रात्रं प्रायच्छत् तमाऽह॑रत् तेनाय॑जत ततो॑ वै
सो ऽरोचत॑ य एवं विद्वा॑ंस एकवि॒ंशति॑रात्रमासते () रोचन्त
एवैक॑वि॒ंशति॑रात्रो भवति रुग्वा॑ एकवि॒ंशो रुच॑मेव गच्छन्त्यथो॑
प्रतिष्ठा॑मेव प्रतिष्ठा ह्येक॑वि॒ंशो ऽति॑रात्रावभितो भवतो ब्रह्म॑वर्चसस्य
परिगृ॑हीत्यै । 29

7.3.10.5 - Padam

स्युः । ते । एकवि॒ंशति॑रात्रमित्ये॒कवि॒ंशति॑ – रात्रम् । आसीरन् ।
द्वाद॑श । मा॒साः । पञ्च । ऋत॑वः । त्रयः । इमे । लो॒काः । असौ ।
आ॒दित्यः । एक॑वि॒ंश इत्ये॒क – वि॒ंशः । एता॑वन्तः । वै ।

दे॒वलो॒का इति॑ दे॒व – लो॒काः । ते॒षु । ए॒व । य॒थापू॒र्वमि॑ति
 य॒था – पू॒र्वम् । प्र॒तीति॑ । ति॒ष्ठन्ति॑ । अ॒सौ । आ॒दित्यः॑ । न । वी॒ति ।
 अ॒रोच॑त् । सः । प्र॒जाप॑तिमि॒ति प्र॒जा – प॒तिम् । उ॒पेति॑ । अ॒धाव॑त् ।
 तस्मै॑ । ए॒तम् । ए॒कवि॑ंशतिरा॒त्रमित्ये॑कवि॑ंशति – रा॒त्रम् । प्रेति॑ ।
 अ॒यच्छ॑त् । तम् । ए॒ति । अ॒हर॑त् । ते॒न । अ॒यज॑त् । ततः॑ । वै । सः ।
 अ॒रोच॑त् । ये । ए॒वम् । वि॒द्वाँसः॑ । ए॒कवि॑ंशतिरा॒त्रमित्ये॑कवि॑ंशति
 – रा॒त्रम् । आ॒सते॑ () । रो॒चन्ते॑ । ए॒व । ए॒कवि॑ंशतिरा॒त्र
 इत्ये॑कवि॑ंशति – रा॒त्रः । भ॒वति॑ । रुक् । वै । ए॒कवि॑ंश
 इत्ये॑क – वि॒ंशः । रु॒चम् । ए॒व । ग॒च्छन्ति॑ । अ॒थो इति॑ ।
 प्र॒तिष्ठा॑मि॒ति प्र॒ति – स्था॑म् । ए॒व । प्र॒तिष्ठे॑ति प्र॒ति – स्था॑ । हि ।
 ए॒कवि॑ंश इत्ये॑क – वि॒ंशः । अ॒तिरा॒त्रावि॑त्यति – रा॒त्रौ ।
 अ॒भितः॑ । भ॒वतः॑ । ब्र॒ह्मव॑र्चसस्येति॑ ब्र॒ह्म – व॑र्चसस्य । प॒रिगृ॑हीत्या
 इति॑ प॒रि – गृ॑हीत्यै । 29 (71) (गृ॒ह्णन्ति॑ दि॒वाकी॑र्त्ये॒नै – वो॒भय॑तो –
 ना – प्र॒तिष्ठा॑ – आ॒सत॑ – ए॒कवि॑ंशतिश्च) (A10)

7.3.11.1

अ॒र्वाङ् य॒ज्ञः सं॒ क्राम॑त्वमुष्मा॒दधि॑ मा॒मभि॑ । ऋ॒षी॑णां यः पु॒रोहि॑तः ।
नि॒र्दे॒वं निर्वी॑रं कृ॒त्वा विष्क॑न्धं तस्मिन् ही॒यतां॑ योऽस्मा॑न् द्वेष्टि॑ ।
शरी॑रं य॒ज्ञश॑मलं कु॒सीदं॑ तस्मिन्त्सीद॒तु योऽस्मा॑न् द्वेष्टि॑ ।
य॒ज्ञ य॒ज्ञस्य॑ यत् तेज॒स्तेन॑ संक्राम॑ मा॒मभि॑ ।
ब्रा॒ह्म॒णानृ॒त्विजो॑ दे॒वान् य॒ज्ञस्य॑ तप॒सा ते स॒वा॒ह॒मा हु॑वे ।
इष्टे॑न प॒क्वमु॑प – [] 30

7.3.11.1 - Padam

अ॒र्वाङ् । य॒ज्ञः । स॒मि॒ति॑ । क्राम॑तु । अ॒मुष्मा॑त् । अ॒धी॒ति॑ । मा॒म् ।
अ॒भि॑ । ऋ॒षी॑णाम् । यः । पु॒रोहि॑त इति पु॒रः – हि॒तः । नि॒र्दे॒वमि॒ति॑
निः – दे॒वम् । निर्वी॑रमि॒ति॑ निः – वी॒रम् । कृ॒त्वा । विष्क॑न्धमि॒ति॑
वि – स्क॑न्धम् । तस्मि॑न् । ही॒य॒ताम् । यः । अ॒स्मा॑न् । द्वेष्टि॑ ।
शरी॑रम् । य॒ज्ञश॑मलमि॒ति॑ य॒ज्ञ – श॑मलम् । कु॒सी॒दम् । तस्मि॑न् ।
सी॒द॒तु । यः । अ॒स्मा॑न् । द्वेष्टि॑ । य॒ज्ञ । य॒ज्ञस्य॑ । यत् । तेजः॑ । तेन॑ ।
स॒मि॒ति॑ । क्राम॑ । मा॒म् । अ॒भि॑ । ब्रा॒ह्म॒णान् । ऋ॒त्वि॒जः । दे॒वान् ।

य॒ज्ञस्य॑ । तप॑सा । ते॒ । सव॑ । अ॒हम् । एति॑ । हु॒वे । इ॒ष्टेन॑ । प॒क्वम् ।
उ॒पेति॑ । 30 (50)

7.3.11.2

ते॒ हु॒वे स॒वाहं॑ । सं ते॒ वृ॒ञ्जे॑ सु॒कृत॑ꣳ सं प्र॒जां प॒शून् ।
प्रै॒षान्त्-सा॒मिधे॑नी-रा॒घारा॑वा॒ज्यभा॑गा॒वा-श्रु॑तं प्र॒त्याश्रु॑त॒मा शृ॑णामि ते ।
प्र॒याजा॑नू॒याजा॑न्त्-स्वि॒ष्टकृ॑त-मि॒डामा॑शिष आ वृ॒ञ्जे सु॒वः ।
अ॒ग्निने॑न्द्रेण॒ सोमे॑न॒ सर॑स्व॒त्या वि॒ष्णुना॑ दे॒वता॑भिः ।
या॒ज्यानु॑वा॒क्याभ्या॑मुप॒ ते हु॒वे स॒वाहं॑ य॒ज्ञमा॑ ददे॒ ते व॑षट्कृतं ।
स्तु॒तꣳ श॒स्त्रं प्र॑ति॒गरं॑ ग्र॒हमि॑डामा॒शिष - [] 31

7.3.11.2 - Padam

ते॒ । हु॒वे । सव॑ । अ॒हम् । स॒मिति॑ । ते॒ । वृ॒ञ्जे॑ । सु॒कृत॑मिति॑
सु - कृ॒तम् । स॒मिति॑ । प्र॒जामि॑ति प्र - जा॒म् । प॒शून् । प्रै॒षानिति॑
प्र - ए॒षान् । सा॒मिधे॑नीरिति॑ सां - इ॒धेनीः॑ । आ॒घारा॑वित्या॒-घा॒रौ ।
आ॒ज्यभा॑गा॒वित्या॑ज्य - भा॒गौ । आ॒श्रुत॑मित्या - श्रु॒तम् ।
प्र॒त्याश्रु॑तमिति॑ प्रति - आ॒श्रुत॑म् । एति॑ । शृ॒णामि॑ । ते॒ ।

प्र॒या॒जा॒नू॒या॒जा॒नि॒ति॑ प्र॒या॒ज – अ॒नू॒या॒जा॒न् । स्वि॒ष्ट॒कृ॒त॒मि॒ति॑
स्वि॒ष्ट – कृ॒त॒म् । इ॒डाम् । आ॒शि॒ष इ॒त्या – शि॒षः । ए॒ति॑ । वृ॒ज्जे॒ ।
सु॒वः । अ॒ग्नि॒ना । इ॒न्द्रे॒ण । सो॒मे॒न । स॒र॒स्व॒त्या । वि॒ष्णु॒ना ।
दे॒वता॑भिः । या॒ज्या॒नु॒वा॒क्या॒भ्या॒मि॒ति॑ या॒ज्या – अ॒नु॒वा॒क्या॒भ्या॒म् ।
उ॒पे॒ति॑ । ते॒ । हु॒वे । स॒व । अ॒हम् । य॒ज्ञम् । ए॒ति॑ । द॒दे॒ । ते॒ ।
व॒षट्कृ॒त॒मि॒ति॑ व॒षट् – कृ॒त॒म् । स्तु॒तम् । श॒स्त्रम् । प्र॒ति॒गर॒मि॒ति॑
प्र॒ति – ग॒रम् । ग॒हम् । इ॒डाम् । आ॒शि॒ष इ॒त्या – शि॒षः । 31 (50)

7.3.11.3

आ वृ॒ज्जे सु॒वः । प॒त्नी॒सँ॒या॒जा॒नु॒प ते॒ हु॒वे स॒वा॒हꣳ स॒मि॒ष्ट॒य॒जु॒रा द॒दे॒
त॒व । प॒शू॒न्थ्-सु॒तं पु॒रो॒डा॒शा॒न्थ्-स॒व॒ना॒न्यो॒त य॒ज्ञं ।
दे॒वा॒न्थ्-से॒न्द्रा॒नु॒प ते॒ हु॒वे स॒वा॒ह-म॒ग्नि॒मु॒खा॒न्थ्-सो॒म॒व॒तो॒ ये च
वि॒श्वे॑ । 32

7.3.11.3 - Padam

ए॒ति॑ । वृ॒ज्जे॒ । सु॒वः । प॒त्नी॒सँ॒या॒जा॒नि॒ति॑ प॒त्नी-सँ॒या॒जा॒न् । उ॒पे॒ति॑ ।
ते॒ । हु॒वे । स॒व । अ॒हम् । स॒मि॒ष्ट॒य॒जु॒रि॒ति॑ स॒मि॒ष्ट – य॒जुः । ए॒ति॑ ।

ददे॑ । तव॑ । प॒शून् । सु॒तम् । पु॒रो॒डा॒शा॒न् । स॒व॒ना॒नि । ए॒ति॑ । उ॒त ।
य॒ज्ञम् । दे॒वान् । से॒न्द्रा॒नि॒ति॒ स-इ॒न्द्रा॒न् । उ॒पे॒ति॑ । ते॒ । हु॒वे॒ । स॒व॒ ।
अ॒हम् । अ॒ग्नि॒मु॒खा॒नि॒त्य॒ग्नि॒ - मु॒खा॒न् । सो॒म॒व॒त॒ इति॑ सो॒म-व॒तः॑ ।
ये॒ । च॒ । वि॒श्वे॑ ॥ 32 (32)

(उप - ग्रहमिडामाशिषो - द्वात्रिंशच्च) (A11)

7.3.12.1

भू॒तं भ॒व्यं भ॒विष्य॑द्वष॒ट्त् स्वा॒हा नम॑ ऋ॒क् सा॒म य॒जुर्वष॑ट्त् स्वा॒हा
नमो॑ गा॒य॒त्री त्रि॒ष्टुब् ज॒गती॑ वष॒ट्त् स्वा॒हा नमः॑ पृ॒थि॒व्य॒न्त॒रि॒क्षं
द्यौ॑ र्वष॒ट्त् स्वा॒हा नमो॑ ऽग्नि॒र्वा॒युः सू॒र्यो वष॑ट्त् स्वा॒हा नमः॑ प्रा॒णो-
व्या॒नो-ऽपा॒नो वष॑ट्त् स्वा॒हा नमो॑ ऽन्नं॑ कृ॒षि-वृ॒ष्टि-र्वष॑ट्त् स्वा॒हा
नमः॑ पि॒तापु॒त्रः पौ॒त्रो वष॑ट्त् स्वा॒हा नमो॑ भू॒र्भुवः॑ () सु॒व र्वष॑ट्त्
स्वा॒हा नमः॑ । 33

7.3.12.1 - Padam

भू॒तम् । भ॒व्यम् । भ॒विष्य॑त् । वष॒ट् । स्वा॒हा । नमः॑ । ऋ॒क् । सा॒म ।
य॒जुः । वष॒ट् । स्वा॒हा । नमः॑ । गा॒य॒त्री । त्रि॒ष्टुप् । ज॒गती॑ । वष॒ट् ।

स्वाहा॑ । नमः॑ । पृ॒थि॒वी । अ॒न्त॒रि॒क्षम् । द्यौः॑ । व॒षट् । स्वाहा॑ ।
नमः॑ । अ॒ग्निः । वा॒युः । सूर्यः॑ । व॒षट् । स्वाहा॑ । नमः॑ । प्रा॒ण इति॑
प्र – अ॒नः । व्या॒न इति॑ वि – अ॒नः । अ॒पा॒न इत्य॑प – अ॒नः । व॒षट् ।
स्वाहा॑ । नमः॑ । अ॒न्नम् । कृ॒षिः । वृ॒ष्टिः । व॒षट् । स्वाहा॑ । नमः॑ ।
पि॒ता । पु॒त्रः । पौ॒त्रः । व॒षट् । स्वाहा॑ । नमः॑ । भूः । भुवः॑ () ।
सुवः॑ । व॒षट् । स्वाहा॑ । नमः॑ । 33 (54)

(भुव॑ – श्र॒त्वा॒रि॒ च) (A12)

7.3.13.1

आ॒ मे॒ गृ॒हा भ॒व॒न्त्वा प्र॒जा म॒ आ मा॒ य॒ज्ञो वि॒शतु॑ वी॒र्या॑वान् ।
आपो॑ दे॒वीर्य॑ज्ञि॒या माऽऽवि॑शन्तु स॒हस्र॑स्य मा॒ भूमा॑ मा प्र हा॒सीत् ।
आ॒ मे॒ ग्र॒हो भ॒व॒त्वा पु॒रोरु॑ख् स्तु॒तश॑स्त्रे मा॒ ऽऽवि॑शता॒ समी॑ची ।
आ॒दि॒त्या रु॒द्रा व॑स॒वो मे॒ सद॑स्याः स॒हस्र॑स्य मा॒ भूमा॑ मा प्र हा॒सीत् ।
आ॒ माऽऽग्नि॑ष्टो॒मो वि॑शतू () कथ्य॑श्चाति॒रात्रो॑ माऽऽ वि॒शत्वा॑पि॒शर्व॑रः ।

ति॒रो अ॒ह्नि॒या मा॒ सु॒हु॒ता आ वि॒शन्तु॑ स॒हस्र॑स्य मा भू॒मा मा प्र
हा॒सीत् । ३४

7.3.13.1 - Padam

ए॒ति । मे॒ । गृ॒हाः । भ॒वन्तु॑ । ए॒ति । प्र॒जे॒ति प्र – जा । मे॒ । ए॒ति ।
मा । य॒ज्ञः । वि॒शतु॑ । वी॒र्या॑वा॒निति॑ वी॒र्य – वा॒न् । आ॒पः । दे॒वीः ।
य॒ज्ञि॒याः ॥ मा । ए॒ति । वि॒शन्तु॑ । स॒हस्र॑स्य । मा । भू॒मा । मा ।
प्रे॒ति । हा॒सीत् । ए॒ति । मे॒ । ग्र॒हः । भ॒वतु॑ । ए॒ति । पु॒रो॒रु॒गिति॑
पु॒रः – रुक् । स्तु॒त॒श॒स्त्रे इति॑ स्तु॒त – श॒स्त्रे । मा । ए॒ति ।
वि॒शता॑म् । स॒मी॒ची इति॑ । आ॒दि॒त्याः । रु॒द्राः । व॒सवः॑ । मे॒ ।
स॒द॒स्याः ॥ स॒हस्र॑स्य । मा । भू॒मा । मा । प्रे॒ति । हा॒सीत् । ए॒ति ।
मा । अ॒ग्नि॒ष्टोम॑ इत्य॒ग्नि – स्तो॒मः । वि॒शतु॑ () । उ॒क्थ्यः॑ । च ।
अ॒ति॒रात्र॑ इत्य॒ति – रा॒त्रः । मा । ए॒ति । वि॒शतु॑ । आ॒पि॒श॒र्वर॑
इ॒त्यापि॑ – श॒र्वरः॑ । ति॒रो अ॒ह्नि॒या इति॑ ति॒रः – अ॒ह्नि॒याः । मा ।
सु॒हु॒ता इति॑ सु – हु॒ताः । ए॒ति । वि॒शन्तु॑ । स॒हस्र॑स्य । मा । भू॒मा ।

मा । प्रेति । हासीत् । 34 (68)

(अग्निष्टोमो विशत्व – षादश च) (A13)

7.3.14.1

अग्निना तपोऽन्वभवद्-वाचा ब्रह्म मणिना रूपाणीन्द्रेण देवान् वातेन
प्राणान्त् सूर्येण द्यां चन्द्रमसा नक्षत्राणि यमेन पितृन् राज्ञा मनुष्यान्
फलेन नादेयानजगरेण सर्पान् व्याघ्रेणाऽऽरण्यान् पशूञ्छ्येनेन
पतत्रिणो वृष्णाऽश्वानृषभेण गा बस्तेनाजा वृष्णिनाऽवीर्व्रीहिणाऽन्नानि
यवेनौषधीर्न्यग्रोधेन वनस्पतीनुदुम्बरेणोर्जं गायत्रिया छन्दांसि त्रिवृता
स्तोमान् ब्राह्मणेन () वाचं । 35

7.3.14.1 - Padam

अग्निना । तपः । अन्विति । अभवत् । वाचा । ब्रह्म । मणिना ।
रूपाणि । इन्द्रेण । देवान् । वातेन । प्राणानिति प्र – अनान् ।
सूर्येण । द्याम् । चन्द्रमसा । नक्षत्राणि । यमेन । पितृन् । राज्ञा ।
मनुष्यान् । फलेन । नादेयान् । अजगरेण । सर्पान् । व्याघ्रेण ।
आरण्यान् । पशून् । श्येनेन । पतत्रिणः । वृष्णा । अश्वान् ।

ऋ॒षभे॑ण । गाः । ब॒स्तेन॑ । अ॒जाः । वृ॒ष्णिना॑ ॥ अ॒वीः । व्री॒हिणा॑ ॥
अ॒न्ना॒नि । यवे॑न । ओ॒षधीः॑ । न्य॒ग्रोधे॑न । वन॒स्पती॑न् । उ॒दु॒म्बरे॑ण ।
ऊ॒र्जम् । गा॒य॒त्रिया॑ । छ॒न्दा॒ंसि । त्रि॒वृते॑ति त्रि – वृ॒ता ॥ स्तो॒मान् ।
ब्रा॒ह्म॒णेन॑ () । वा॒चम् । 35 (51) (ब्रा॒ह्म॒णेनै॑ – कं॑ च) (A14)

7.3.15.1

स्वा॒हाऽऽधि॑मा॒धी॒ताय॑ स्वा॒हा स्वा॒हाऽऽधी॑तं॒ मन॑से॒ स्वा॒हा स्वा॒हा मनः॑
प्र॒जा॒प॒तये॑ स्वा॒हा का॒य स्वा॒हा क॒स्मै स्वा॒हा क॒तम॑स्मै स्वा॒हा ऽदि॒त्यै
स्वा॒हा ऽदि॒त्यै म॒ह्यै स्वा॒हाऽदि॒त्यै सु॒मृ॒डीका॑यै स्वा॒हा सर॑स्व॒त्यै स्वा॒हा
सर॑स्व॒त्यै बृ॒हत्यै॑ स्वा॒हा सर॑स्व॒त्यै पा॒वका॑यै स्वा॒हा पू॒ष्णे स्वा॒हा
पू॒ष्णे प्र॒प॒थ्याय॑ स्वा॒हा पू॒ष्णे न॒रन्धि॑षाय स्वा॒हा त्वष्ट्रे॑ स्वा॒हा त्वष्ट्रे॑
तु॒री॒पाय॑ स्वा॒हा त्वष्ट्रे॑ पु॒रु॒रूपाय॑ स्वा॒हा () वि॒ष्णवे॑ स्वा॒हा
वि॒ष्णवे॑ नि॒खुर्य॑पाय स्वा॒हा वि॒ष्णवे॑ नि॒भूय॑पाय स्वा॒हा सर्व॑स्मै
स्वा॒हा ॥ 36

7.3.15.1 - Padam

स्वाहा॑ । आ॒धि॒मि॒त्या॑ – धि॒म् । आ॒धी॒ता॒ये॒त्या॑ – धी॒ता॒य॑ । स्वाहा॑ ।
स्वाहा॑ । आ॒धी॒त॒मि॒त्या॑ – धी॒त॒म् । म॒न॒से॑ । स्वाहा॑ । स्वाहा॑ । म॒नः॑ ।
प्र॒जा॒प॒त॒य॑ इति॑ प्र॒जा – प॒त॒ये॑ । स्वाहा॑ । का॒य॑ । स्वाहा॑ । क॒स्मै॑ ।
स्वाहा॑ । क॒त॒म॒स्मै॑ । स्वाहा॑ । अ॒दि॒त्यै॑ । स्वाहा॑ । अ॒दि॒त्यै॑ । म॒ह्यै॑ ।
स्वाहा॑ । अ॒दि॒त्यै॑ । सु॒मृ॒डी॒का॒या॑ इति॑ सु – मृ॒डी॒का॒यै॑ । स्वाहा॑ ।
स॒र॒स्व॒त्यै॑ । स्वाहा॑ । स॒र॒स्व॒त्यै॑ । बृ॒ह॒त्यै॑ । स्वाहा॑ । स॒र॒स्व॒त्यै॑ ।
पा॒व॒का॒यै॑ । स्वाहा॑ । पू॒ष्णो॑ । स्वाहा॑ । पू॒ष्णो॑ । प्र॒प॒थ्या॑येति॑
प्र–प॒थ्या॑य । स्वाहा॑ । पू॒ष्णो॑ । न॒र॒न्धि॒षाय॑ । स्वाहा॑ । त्व॒ष्ट्रे॑ । स्वाहा॑ ।
त्व॒ष्ट्रे॑ । तु॒री॒पा॒य॑ । स्वाहा॑ । त्व॒ष्ट्रे॑ । पु॒रु॒रूपा॑येति॑ पु॒रु – रूपा॑य ।
स्वाहा॑ () । वि॒ष्ण॒वे॑ । स्वाहा॑ । वि॒ष्ण॒वे॑ । नि॒खुर्य॑पायेति॑ नि॒खुर्य॑ –
पा॒य॑ । स्वाहा॑ । वि॒ष्ण॒वे॑ । नि॒भूय॑पायेति॑ नि॒भूय॑ – पा॒य॑ । स्वाहा॑ ।
स॒र्व॒स्मै॑ । स्वाहा॑ । 36 (60)

(पु॒रु॒रूपा॑य स्वाहा॑ – द॒श॑ च) (A15)

7.3.16.1

दद्भ्यः स्वाहा हनूभ्या॑ स्वाहो॑ष्ठाभ्या॑ स्वाहा मुखाय॑ स्वाहा
नासिकाभ्या॑ स्वाहा ऽक्षीभ्या॑ स्वाहा कर्णाभ्या॑ स्वाहा
पार इक्षवो॑ ऽवार्येभ्यः॑ पक्ष्मभ्यः॑ स्वाहा ऽवार इक्षवः॑ पार्येभ्यः॑
पक्ष्मभ्यः॑ स्वाहा शीर्ष्णो॑ स्वाहा भ्रूभ्या॑ स्वाहा ललाटाय॑ स्वाहा
मूर्ध्ने॑ स्वाहा मस्तिष्काय॑ स्वाहा केशेभ्यः॑ स्वाहा वहाय॑ स्वाहा
ग्रीवाभ्यः॑ स्वाहा स्कन्धेभ्यः॑ स्वाहा कीकसाभ्यः॑ स्वाहा पृष्ठीभ्यः॑
स्वाहा पाजस्याय॑ स्वाहा पार्श्वाभ्या॑ स्वाहा- [] 37

7.3.16.1 - Padam

दद्भ्य इति दत् - भ्यः । स्वाहा । हनूभ्यामिति हनु - भ्याम् ।
स्वाहा । ओष्ठाभ्याम् । स्वाहा । मुखाय । स्वाहा । नासिकाभ्याम् ।
स्वाहा । अक्षीभ्याम् । स्वाहा । कर्णाभ्याम् । स्वाहा । पारे ।
इक्षवः । अवार्येभ्यः । पक्ष्मभ्य इति पक्ष्म - भ्यः । स्वाहा ।
अवारो । इक्षवः । पार्येभ्यः । पक्ष्मभ्य इति पक्ष्म - भ्यः । स्वाहा ।
शीर्ष्णो । स्वाहा । भ्रूभ्याम् । स्वाहा । ललाटाय । स्वाहा । मूर्ध्ने ।

स्वाहा । म॒स्तिष्का॑य । स्वाहा । के॒शेभ्यः॑ । स्वाहा । वहा॑य । स्वाहा ।
ग्री॒वाभ्यः॑ । स्वाहा । स्कन्धे॑भ्यः । स्वाहा । की॒कसा॑भ्यः । स्वाहा ।
पृ॒ष्ठीभ्य॑ इति पृ॒ष्टि – भ्यः । स्वाहा । पा॒जस्या॑य । स्वाहा ।
पा॒र्श्वाभ्या॑म् । स्वाहा । 37 (50)

7.3.16.2

ऽ॒साभ्या॑ स्वाहा दौ॒षभ्या॑ स्वाहा बा॒हुभ्या॑ स्वाहा
जङ्घा॑भ्या॑ स्वाहा श्रो॒णीभ्या॑ स्वाहा रू॒भ्या॑ स्वाहा ऽ॒ष्ठीवद्भ्या॑
स्वाहा जङ्घा॑भ्या॑ स्वाहा भ॒सदे॑ स्वाहा शि॒खण्डे॑भ्यः स्वाहा
वा॒लधा॑नाय स्वाहा ऽ॒ण्डाभ्या॑ स्वाहा शो॒पाय॑ स्वाहा रे॒तसे॑ स्वाहा
प्र॒जाभ्यः॑ स्वाहा प्र॒जन॑नाय स्वाहा प॒द्भ्यः॑ स्वाहा श॒फेभ्यः॑ स्वाहा
लो॒मभ्यः॑ स्वाहा त्व॒चे स्वाहा लो॒हिता॑य स्वाहा मा॒साय॑ स्वाहा
स्रा॒वभ्यः॑ स्वाहा ऽ॒स्थभ्यः॑ स्वाहा म॒ज्जभ्यः॑ स्वाहा () ऽ॒ङ्गेभ्यः॑
स्वाहा ऽ॒त्मने॑ स्वाहा सर्व॑स्मै स्वाहा । 38

7.3.16.2 - Padam

अ॒ञ्सा॒भ्याम् । स्वाहा॑ । दो॒ष॒भ्यामि॑ति दो॒ष – भ्याम् । स्वाहा॑ ।
बा॒हु॒भ्यामि॑ति बा॒हु – भ्याम् । स्वाहा॑ । जङ्घा॒भ्याम् । स्वाहा॑ ।
श्रो॒णी॒भ्यामि॑ति श्रा॒णि – भ्याम् । स्वाहा॑ । ऊ॒रु॒भ्यामित्यू॒रु – भ्याम् ।
स्वाहा॑ । अ॒ष्टी॒वद्भ्या॑मित्य॒ष्टीव॑त् – भ्याम् । स्वाहा॑ । जङ्घा॒भ्याम् ।
स्वाहा॑ । भ॒स॒दे । स्वाहा॑ । शि॒खण्डे॑भ्यः । स्वाहा॑ । वा॒ल॒धा॒नाये॑ति
वा॒ल – धा॒नाय॑ । स्वाहा॑ । अ॒ण्डा॒भ्याम् । स्वाहा॑ । शो॒पाय॑ । स्वाहा॑ ।
रे॒त॒से । स्वाहा॑ । प्र॒जा॒भ्य इति॑ प्र – जा॒भ्यः । स्वाहा॑ । प्र॒ज॒न॒नाये॑ति
प्र – ज॒न॒नाय॑ । स्वाहा॑ । प॒द्भ्य इति॑ प॒त् – भ्यः । स्वाहा॑ ।
श॒फे॒भ्यः । स्वाहा॑ । लो॒म॒भ्य इति॑ लो॒म – भ्यः । स्वाहा॑ । त्व॒चे ।
स्वाहा॑ । लो॒हि॒ताय॑ । स्वाहा॑ । मा॒ञ्साय॑ । स्वाहा॑ । स्रा॒व॒भ्य इति॑
स्रा॒व – भ्यः । स्वाहा॑ । अ॒स्थ॒भ्य इत्य॑स्थ – भ्यः । स्वाहा॑ ।
म॒ज्ज॒भ्य इति॑ म॒ज्ज – भ्यः । स्वाहा॑ () । अ॒ङ्गे॒भ्यः । स्वाहा॑ ।
आ॒त्म॒ने । स्वाहा॑ । स॒र्व॒स्मै । स्वाहा॑ । 38 (56)

(पाश्चाभ्याँ स्वाहा – मज्जभ्यः स्वाहा – षट् च) (A16)

7.3.17.1

अञ्ज्ये॑ताय॒ स्वाहा॑ ऽज्जि॒सक्थाय॑ स्वाहा॑ शि॒तिपदे॑ स्वाहा॑
शि॒ति॒क॒कुदे॑ स्वाहा॑ शि॒ति॒रन्ध्राय॑ स्वाहा॑ शि॒ति॒पृष्ठा॑य स्वाहा॑
शि॒त्य॒साय॑ स्वाहा॑ पु॒ष्प॒कर्णाय॑ स्वाहा॑ शि॒त्योष्ठा॑य स्वाहा॑ शि॒ति॒भ्रवे॑
स्वाहा॑ शि॒ति॒भसदे॑ स्वाहा॑ श्वे॒तानू॑काशाय॒ स्वाहा॑ ऽञ्ज्ये॑ स्वाहा॑
ल॒लामा॑य स्वाहा॑ ऽसि॒त॒ज्ञवे॑ स्वाहा॑ कृ॒ष्णौता॑य स्वाहा॑ रो॒हितै॑ताय॒
स्वाहा॑ ऽरु॒णौता॑य स्वाहे॒दृशाय॑ स्वाहा॑ की॒दृशाय॑ स्वाहा॑
ता॒दृशाय॑ स्वाहा॑ स॒दृशाय॑ स्वाहा॑ वि॒सदृ॑शाय॒ स्वाहा॑
सु॒सदृ॑शाय॒ स्वाहा॑ रू॒पाय॑ स्वाहा॑ () सर्व॑स्मै स्वाहा॑ । 39

7.3.17.1 - Padam

अञ्ज्ये॑तायेत्यञ्जि – ए॒ताय॑ । स्वाहा॑ । अञ्जि॒सक्थायेत्यञ्जि –
सक्थाय॑ । स्वाहा॑ । शि॒ति॒पद॑ इति शि॒ति – पदे॑ । स्वाहा॑ ।
शि॒ति॒क॒कुद॑ इति शि॒ति – क॒कुदे॑ । स्वाहा॑ । शि॒ति॒रन्ध्रायेति॑
शि॒ति – रन्ध्राय॑ । स्वाहा॑ । शि॒ति॒पृष्ठायेति॑ शि॒ति – पृष्ठा॑य । स्वाहा॑ ।

शित्य॑सा॒येति॑ शि॒ति – अ॒साय॑ । स्वाहा॑ । पु॒ष्प॒कर्ण॑येति॑
 पु॒ष्प – कर्ण॑ाय । स्वाहा॑ । शित्यो॑ष्ठायेति॑ शि॒ति – ओ॒ष्ठाय॑ ।
 स्वाहा॑ । शि॒तिभ्र॑व इति॑ शि॒ति – भ्र॒वे । स्वाहा॑ । शि॒तिभ॑सद इति॑
 शि॒ति – भ॑सदे । स्वाहा॑ । श्वेतानू॑काशयेति॑ श्वेत – अ॒नूका॑शाय ।
 स्वाहा॑ । अ॒ञ्जये॑ । स्वाहा॑ । ल॒लामा॑य । स्वाहा॑ । अ॒सित॑ज्ञव
 इत्य॑सित – ज॒वे । स्वाहा॑ । कृ॒ष्णैता॑येति॑ कृ॒ष्ण – ए॒ताय॑ । स्वाहा॑ ।
 रो॒हितै॑तायेति॑ रो॒हित – ए॒ताय॑ । स्वाहा॑ । अ॒रुणै॑तायेत्य॑रुण – ए॒ताय॑ ।
 स्वाहा॑ । ई॒दृशाय॑ । स्वाहा॑ । की॒दृशाय॑ । स्वाहा॑ । ता॒दृशाय॑ ।
 स्वाहा॑ । स॒दृशाय॑ । स्वाहा॑ । वि॒सदृ॑शयेति॑ वि॒सदृ॑शाय । स्वाहा॑ ।
 सु॒सदृ॑शयेति॑ सु – स॒दृशाय॑ । स्वाहा॑ । रू॒पाय॑ । स्वाहा॑ () ।
 स॒र्वस्मै॑ । स्वाहा॑ । 39 (52) (रू॒पाय॑ स्वाहा॑ – द्वे च॑) (A17)

7.3.18.1

कृ॒ष्णाय॑ स्वाहा॑ श्वे॒ताय॑ स्वाहा॑ पि॒शङ्गा॑य स्वाहा॑ सा॒रङ्गा॑य स्वाहा॑
 ऽरु॒णाय॑ स्वाहा॑ गौ॒राय॑ स्वाहा॑ ब॒भ्रवे॑ स्वाहा॑ न॒कुला॑य स्वाहा॑ रो॒हिता॑य

स्वाहा शो॒णाय॑ स्वाहा॑ श्या॒वाय॑ स्वाहा॑ श्या॒माय॑ स्वाहा॑ पा॒कलाय॑
स्वाहा॑ सु॒रूपाय॑ स्वाहा॑ ऽनु॒रूपाय॑ स्वाहा॑ वि॒रूपाय॑ स्वाहा॑ स॒रूपाय॑
स्वाहा॑ प्र॒तिरूपाय॑ स्वाहा॑ श॒बलाय॑ स्वाहा॑ क॒मलाय॑ स्वाहा॑ पृ॒श्नये॑
स्वाहा॑ पृ॒श्नि॒सक्थाय॑ स्वाहा॑ स॒र्वस्मै॑ स्वाहा॑ । 40

7.3.18.1 - Padam

कृ॒ष्णाय॑ । स्वाहा॑ । श्वे॒ताय॑ । स्वाहा॑ । पि॒शङ्गाय॑ । स्वाहा॑ । सा॒रङ्गाय॑ ।
स्वाहा॑ । अ॒रुणाय॑ । स्वाहा॑ । गौ॒राय॑ । स्वाहा॑ । ब॒भ्रवे॑ । स्वाहा॑ ।
न॒कु॒लाय॑ । स्वाहा॑ । रो॒हिताय॑ । स्वाहा॑ । शो॒णाय॑ । स्वाहा॑ ।
श्या॒वाय॑ । स्वाहा॑ । श्या॒माय॑ । स्वाहा॑ । पा॒कलाय॑ । स्वाहा॑ ।
सु॒रूपायेति॑ सु – रू॒पाय॑ । स्वाहा॑ । अ॒नु॒रूपायेत्यनु॑ – रू॒पाय॑ ।
स्वाहा॑ । वि॒रूपायेति॑ वि – रू॒पाय॑ । स्वाहा॑ । स॒रूपायेति॑ स – रू॒पाय॑ ।
स्वाहा॑ । प्र॒तिरूपायेति॑ प्र॒ति – रू॒पाय॑ । स्वाहा॑ । श॒बलाय॑ । स्वाहा॑ ।
क॒मलाय॑ । स्वाहा॑ । पृ॒श्नये॑ । स्वाहा॑ । पृ॒श्नि॒सक्थायेति॑
पृ॒श्नि – स॒क्थाय॑ । स्वाहा॑ । स॒र्वस्मै॑ । स्वाहा॑ । 40 (46)

(कृ॒ष्णाय॑ – षट्चत्वारि॑ंशत्) (A18)

7.3.19.1

ओ॒ष॒धी॒भ्यः॑ स्वा॒हा मू॒ले॒भ्यः॑ स्वा॒हा तू॒ले॒भ्यः॑ स्वा॒हा का॒ण्डे॒भ्यः॑
स्वा॒हा वल्शे॑भ्यः॑ स्वा॒हा पु॒ष्पे॒भ्यः॑ स्वा॒हा फ॒ले॒भ्यः॑ स्वा॒हा गृ॒ही॒ते॒भ्यः॑
स्वा॒हा अ॒गृ॒ही॒ते॒भ्यः॑ स्वा॒हा अ॒व॒प॒न्ने॒भ्यः॑ स्वा॒हा श॒या॒ने॒भ्यः॑ स्वा॒हा
सर्व॑स्मै स्वा॒हा । 41

7.3.19.1 - Padam

ओ॒ष॒धी॒भ्य इ॒त्यो॒ष॒धि॒भ्यः॑ । स्वा॒हा । मू॒ले॒भ्यः॑ । स्वा॒हा । तू॒ले॒भ्यः॑ ।
स्वा॒हा । का॒ण्डे॒भ्यः॑ । स्वा॒हा । वल्शे॑भ्यः॑ । स्वा॒हा । पु॒ष्पे॒भ्यः॑ ।
स्वा॒हा । फ॒ले॒भ्यः॑ । स्वा॒हा । गृ॒ही॒ते॒भ्यः॑ । स्वा॒हा । अ॒गृ॒ही॒ते॒भ्यः॑ ।
स्वा॒हा । अ॒व॒प॒न्ने॒भ्य इ॒त्यव॑ – प॒न्ने॒भ्यः॑ । स्वा॒हा । श॒या॒ने॒भ्यः॑ ।
स्वा॒हा । सर्व॑स्मै । स्वा॒हा । 41 (24)

(ओ॒ष॒धी॒भ्य – श्रु॒तुर्वि॑ंशतिः) (A19)

7.3.20.1

वनस्पति॑भ्यः स्वाहा॑ मूले॑भ्यः स्वाहा॑ तूले॑भ्यः स्वाहा॑ स्कन्धो॑भ्यः
स्वाहा॑ शाखा॑भ्यः स्वाहा॑ पर्णे॑भ्यः स्वाहा॑ पुष्पे॑भ्यः स्वाहा॑ फले॑भ्यः
स्वाहा॑ गृही॑तेभ्यः स्वाहा॑ ऽगृही॑तेभ्यः स्वाहा॑ ऽवप॑न्नेभ्यः स्वाहा॑
श्या॑नेभ्यः स्वाहा॑ शि॒ष्टाय॑ स्वाहा॑ ऽति॒शि॒ष्टाय॑ स्वाहा॑ परि॒शि॒ष्टाय॑
स्वाहा॑ स॒ञ्शि॒ष्टाय॑ स्वाहो॑ - च्छि॒ष्टाय॑ स्वाहा॑ रि॒क्ताय॑ स्वाहा॑ ऽरि॒क्ताय॑
स्वाहा॑ प्र॒रि॒क्ताय॑ स्वाहा॑ स॒ञ्रि॒क्ताय॑ स्वाहो॑ - द्रि॒क्ताय॑ स्वाहा॑ सर्व॑स्मै
स्वाहा॑ । 42

7.3.20.1 - Padam

वनस्पति॑भ्य इति वनस्पति॑ - भ्यः । स्वाहा॑ । मूले॑भ्यः । स्वाहा॑ ।
तूले॑भ्यः । स्वाहा॑ । स्कन्धो॑भ्य इति स्कन्धः॑ - भ्यः । स्वाहा॑ ।
शाखा॑भ्यः । स्वाहा॑ । पर्णे॑भ्यः । स्वाहा॑ । पुष्पे॑भ्यः । स्वाहा॑ ।
फले॑भ्यः । स्वाहा॑ । गृही॑तेभ्यः । स्वाहा॑ । अ॒गृही॑तेभ्यः । स्वाहा॑ ।
अ॒वप॑न्नेभ्य इत्यव॑ - प॒न्नेभ्यः । स्वाहा॑ । श्या॑नेभ्यः । स्वाहा॑ ।
शि॒ष्टाय॑ । स्वाहा॑ । अ॒ति॒शि॒ष्टाय॑ इत्यति॑ - शि॒ष्टाय॑ । स्वाहा॑ ।

परि॑शि॒ष्टाये॑ति परि॑-शि॒ष्टाय॑ । स्वाहा॑ ॥ स॒ञ्शि॒ष्टाये॑ति सं – शि॒ष्टाय॑ ।
 स्वाहा॑ ॥ उच्छि॑ष्टायेत्युत् – शि॒ष्टाय॑ । स्वाहा॑ ॥ रि॒क्ताय॑ । स्वाहा॑ ॥
 अरि॑क्ताय॑ । स्वाहा॑ ॥ प्ररि॑क्तायेति प्र – रि॒क्ताय॑ । स्वाहा॑ ॥
 स॒ञ्रि॒क्ताये॑ति सं – रि॒क्ताय॑ । स्वाहा॑ ॥ उद्वि॑क्तायेत्युत् – रि॒क्ताय॑ ।
 स्वाहा॑ ॥ सर्व॑स्मै । स्वाहा॑ ॥ 42 (46)

(वनस्पति॑भ्यः – षट् च॑त्वारि॒ञ्शत्) (A20)

Prasna Korvai with starting Padams of 1 to 20 Anuvaakams :-

(प्रज॑वं – ब्रह्म॑वादि॒नः कि॑ – मेष॑ वा आप्त॑ – आदि॒त्या उ॒भयोः॑ –
 प्रजा॑पतिरन्वाय॑ – निन्द्रो॑ वै सदृ॒ङ् – डिन्द्रो॑ वै शिथि॒लः –
 प्रजा॑पतिरकामयता ऽन्नादः॑ – सा वि॒राड् – सावादि॒त्यो – र्वाङ् –
 भू॒त – मा मे॑ – ऽग्नि॒ना – स्वाहा॑ ऽऽधिन् – दद्भ्यो॑ ऽ – ज्ये॒ताय॑ –
 कृ॒ष्णा – यौष॑धीभ्यो – वनस्पति॑भ्यो – वि॒ञ्शतिः॑)

पद पाठे (वाक्य सहित) – सप्तमकाण्डे – तृतीयः प्रश्नः

Korvai with starting Padams of 1, 11, 21 Series of Panchaatis :-

(प्र॒ज॒वं – प्र॒जा॒प॒ति – र्य॒द॒छ॒न्दो॒मं – ते॒ हु॒वे स॒वा॒ऽह – मो॒ष॒धी॒भ्यो
– द्वि॒च॒त्वा॒रि॒॒श॒त्)

First and Last Padam of Third Prasnam of 7th Kanda

(प्र॒ज॒व॒ – स॒र्व॒स्मै॒ स्वा॒हा॒)

॥ हरिः ओं ॥

॥ कृष्ण यजुर्वेदीय तैत्तिरीय संहितायां पद पाठे सप्तमकाण्डे तृतीयः

प्रश्नः समाप्तः ॥

Details of Panchati and Padam for Kanda 7 – Prasnam 3 – TS 7.3

	Panchati	Padams
Anuvakam 1	4	201
Anuvakam 2	2	91
Anuvakam 3	2	93
Anuvakam 4	2	84

पद पाठे (वाक्य सहित) – सप्तमकाण्डे – तृतीयः प्रश्नः

Anuvakam 5	3	181
Anuvakam 6	2	101
Anuvakam 7	4	202
Anuvakam 8	2	87
Anuvakam 9	3	173
Anuvakam 10	5	271
Anuvakam 11	3	132
Anuvakam 12	1	54
Anuvakam 13	1	68
Anuvakam 14	1	51
Anuvakam 15	1	60
Anuvakam 16	2	106
Anuvakam 17	1	52
Anuvakam 18	1	46
Anuvakam 19	1	24
Anuvakam 20	1	46
Total →	42	2123

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in